

國史略

記元二千五百二十七年即位

11
531

國史略卷之七

長門

桐陰 石村貞一 編輯

今上天皇諱睦仁先帝第一皇子也母新宰相局中山氏前

大納言忠能之女慶應三年丁卯春正月踐祚時年十六御

○詔以大喪免有栖川宮熾仁以下公卿幽禁近世史畧○夏

四月伊達宗城嶋津久光入京師松平慶永山内容堂鍋

嶋開叟踵至既而容堂以疾就國○五月詔開兵庫港約錄

全先是英米佛蘭諸公使等至大阪賀將軍禪代且促開

港慶喜奏請曰約武庫港其期已過臣等論以內亂而頃

者各國促之甚急方今萬國星羅碁布迭結條約大小交

開兵庫港

國史略

卷之七

島 卷七

山内容堂上疏
議還政權

際照準約束以取信義。強不得凌弱。條約之重如此。開武庫之期。載在條約。不可渝。臣保渠等入武庫。不以暴威加於我。冀朝議許之。疏入朝議。以其為先朝所禁。不敢輕決。大令天下。諮詢列藩。列藩多可之者。終允之。近事○秋八月。慶喜為內大臣。武鑑○九月。山内容堂上疏幕府。曰。中古以還。武門握政權。雖鎮海內。洋舶來航。以來物議紛紛。東攻西擊。內訌未戢。終招外國輕侮者。是無他。以我政令出二途也。今也時勢一變。不可復墨守舊規。宜還政柄於王室。以立萬國竝立之基。是今日之急務。而容堂之至願也。請幕下熟計之。因使其臣寺村左膳後藤象二郎等具陳其意。時淺野茂長亦上疏說以大義。因勸解其政柄。近世史畧

將軍慶喜奉還政權

○冬十月十四日。大將軍慶喜奏請奉還政權。先是慶喜大會列藩群臣於二條城。以歸政奏案示之。曰。昔王綱解紐。相家執權。保平之亂。權移武門。至我祖宗。特蒙寵眷。紹述緒業。二百有餘年。傳至孤。孤雖奉其職。舉措失當。勢至今日。是孤非德所致。悔恨何及。願今外交日盛。而政令二途。綱紀不立。乃欲還大政於朝廷。是孤之所以報皇國也。汝等各陳意見。譜第將士等。多非之者。而薩藩小松帶刀。土藩後藤象二郎。備前藩牧野權六郎。宇和嶋藩都筑莊藏等。同聲懇懇。之眾既退。慶喜特留帶刀等。命坐縱論之。議遂決。具疏奏之。近事○十五日。允將軍奏事。初將軍上奏也。德川氏譜第諸侯多諫。朝廷輕易執政。延議遲疑。幕

德川慶喜辭將軍職

吏與關白齊敬通謀。內外沮之。公卿及薩土諸藩胥議曰：天下將定於一，而廷議不斷，坐失事機，遂大論之。至是許之。因詔召列藩會議新政。蒙召者凡五十餘藩。德川慶勝、鳴津茂久等相踵入京師。近世事情○二十四日，德川慶喜上表辭征夷大將軍。明治史要○遣宣命使權大納言藤原資宗於後月輪東山陵告朝政復古。近事紀畧○十一月，詔德川慶勝、松平慶永、建白時務。先是慶喜辭職也。慶勝以身在親藩，扶翼無狀，自劾奏辭官爵。廷議稱其積勞優獎不聽。至是，二侯勤王之志益固。近世史畧○十二月八日，大納言中山忠能、大納言正親町實愛、中納言德大寺實則、右兵衛督岩倉具視等與德川慶勝、松平慶永、鳴津茂久、山内容堂

會小御所議新政

復七卿毛利氏官爵

及成瀨正肥、田宮如雲、中根雪江、酒井十之丞、西鄉隆盛、大久保利通、岩下方平、後藤象二郎、福岡孝弟等會議小御所。茂久曰：朝廷已收政權，然不有土地人民，有名無實。宜課德川氏割其八百萬石以充經費。具視贊成之。出書於袖中，則畫策變革事處分內外者也。山内容堂曰：幕府固不任其職，然事至今日者，雖尾越薩土亦非無愆。而今獨收德川之有恐，非公明正大者。諸藩亦宜從國之大小割其幾分之一，以貢土地人民。且如會津者，雖處事有過，然非有惡意，宜使之就國也。近世事情此日朝議遂決防長處分。復毛利慶親父子及支族官位。許其入京。慶親後改敬親。復三條實美以下五卿及故錦小路賴德官爵。

廢攝關幕府等新置給裁議定參與三職

布告萬機親裁

獨澤宜禧以不審其所在不與焉命物色之既而出來即復其官爵近事紀畧九日詔黜尹宮尊融罷齊敬攝關免容保定敬職罷其九門宿衛令薩上藝諸藩代之廢攝關幕府及議奏傳奏守護職所司代權置總裁議定參與三職以有栖川親王熾仁為總裁以三條實美岩倉具視中山忠愛正親町實愛等為議定以小松帶刀後藤象二郎水戶準一郎廣澤兵助等為參與以綜政治詔曰自今以往大小政令自朝廷出四方其體之是日容保定敬等皆入二條城不復歸邸近世事情○十一日長藩毛利內匠等率兵八百入京師初內匠等在兵庫時朝廷方許其入京藝藩傳命於是進抵山崎關時安濃津藩守之守吏未悉朝旨因

慶喜入大阪城

禁容保定敬入京

呵禁之既而事釋內匠等入京師詔宿衛新在家門尋五卿亦歸朝近世史畧○十二日夜德川慶喜遽下大阪容保定敬及譜第將士皆從焉獨井伊直憲稱疾留京師先是慶喜大不平與容保定敬等議曰近日朝議非前日朝議必有騙幼主謀私者也乃上奏勒兵備不虞諸藩守關者亦爭戒嚴狀如對壘人情恟恟口耳相屬慶勝慶承憂之數入二條城面諭慶喜慶喜首肯容保定敬頗激動之曰事已至此坐受箝制孰與據大阪城扼咽喉以制人慶喜然之乃稱鎮臣下暴動留書於朝南走其舉止非常朝廷大疑之詔禁容保定敬入京近事紀畧○徵諸藩士為參與是稱徵士○議定參與議曰德川氏既解政柄則軍國資用宜

慶勝慶永至大
阪論慶喜

課諸其藩管地。宜以慶喜列議定職。乃詔慶勝慶永遣大
阪慶勝等至。大坂吳傳朝旨。勸其貢地降官。而促入朝。且
曰。宗家以小隊輕裝入京。僕等萬保其無虞。苟有戒心。出
二藩衆。護之慶喜首肯。而心危之。且謂如降官固不辭。即
貢土地。則不可以養麾下。而麾下亦不服。初慶喜之南也。
留新撰團長近藤勇。土方歲三等。於伏見。至是東兵次伏
見者數千人。慶勝臣田中邦之輔。鷲津九藏等。說德川將
吏永井尚志。塚原但馬等曰。內府將入朝。宜先撤伏見兵。
因陳順逆。尚志等然之。而不能行。慶勝慶永復命。奏慶喜
奉詔。蓋不審慶喜意也。近世事情先是酒井忠發巡警江戶。處
士數百人。潛匿薩邸。乘夜劫略富戶。又銃擊酒井營。巡兵

酒井忠發等襲
擊薩邸

以幕命逼薩邸。使出其徒。不肯。因縱火殺獲。自是德川嶋
津相仇視。至是慶喜奏薩人寇抄狀。請斥其藩士參朝政
者不省。近世史是歲冬有童謠曰。善哉京攝之民。相唱曰。有
神符自空降。每戶剪竹插門。供張祀神男。為女裝。女為男
粧。結隊鳴鼓。舞蹈坊間。曰。善哉善哉。雜選太甚。不知其何
故。或曰。倒松平氏。而植他家之意。蓋國音他家通竹也。○
明治元年戊辰春正月三日。德川慶喜以兵三萬。抵伏見鳥
羽官軍擊却之。先是譜第諸將說慶喜曰。尾越之言不可
輒信。此行在清君側。臣等以死衛之。慶喜領之。乃理裝以
容保定敬為先驅。佐久間近江。久保田備前等率三兵隊
從之。高松濱田諸藩為之應援。事聞京師。朝廷乃命薩長

明治元年

廣喜舉侵京師

二藩扼伏見鳥羽二關以備不虞。隊將伊地知正治、山田顯義等臨發請曰：「臣等謀知大阪動止，非常如有排關而過者，願得詔旨以處之。」乃詔曰：「不許。德川慶喜帥大兵來，如會衆則固禁其入京，若不用命，使從事正治、顯義等，即以兵六千餘出守二關。賊行人來請過二關，不許。行人曰：『寡君奉詔入朝，而公等沮之，則有戰耳。』既而賊軍大至，將排關而過。戍兵發巨砲，扞之。賊軍應戰，彈丸雨注，會伏見火起。賊軍自二道進，官軍力拒，互有死傷。日暮交綏，夜官軍謀知賊軍傳餐，鳥羽襲之。賊軍狼狽，拚兵仗走。會賊別軍來援，敗兵及戰豨突。官軍隊將市木大山、後藤等奮戰破之，遂死。四日再戰，二道官軍豫伏兵於鳥羽密篁中。

總督官學錦旗進

賊軍欲排伏水而進，隊將山田孫一等督衆奮鬪走之。而鳥羽賊軍叢銃亂射，其鋒甚銳。既而伏起，丸注賊軍中，堅鎗者亡數時。總督仁和寺宮純仁擎錦旗而進，官軍大振乘勢衝賊軍。賊軍先鋒大潰，踰屍而走。賊將近江備前等數十人死之。官軍亦多死傷，兩鳥羽火起。賊軍退入淀。五日昧爽，官軍進擊。賊軍隔淀橋而放巨砲，賊伏槍隊於蘆葦中，出銃手挑戰。官軍知有伏，不進。隊將石川厚狹介曰：「視危苟避，不勇士也。」乃率銃手數人挺前當之。衆奮曰：「勿遺我良於敵，爭先而進。」伏起，左右銃手亦膺至。厚狹介及伊東中嶋等數人死之。伊集院金十郎等咄嗟勵衆而進，大破之。賊軍欲據淀城，城兵拒而不納，乃次城外，退扼橋。

藤堂氏兵歸順

水六日官軍攻橋本遣使謂淀藩淀藩具陳拒賊狀請歸
 順乃以淀兵為先鋒戰方酣藤堂氏兵自山崎橫擊榴彈
 雨注賊軍大亂初藤堂氏為德川氏守山崎關門勅使至
 諭以順逆乃奉詔納官軍而賊兵未之知也至是賊軍驚
 愕大敗走先是敗聞累至大阪城中特眾不為意至是上
 下大驚俄議守備議未決此夜慶喜與容保定敬等倉皇
 乘回陽艦東走賊軍失首領人人氣沮舉眾或經紀伊或
 經伊賀以東於是城中聞然器械糧仗委棄如山監察妻
 木多宮與屬吏二人留守空城三日遣人以慶喜所遺奏
 狀達諸京師既而官軍長兵抵大阪將收城多宮開門納
 城會城中火起多宮乞官軍印鑑以自海道東

妻木以下依某氏曰

賊軍悉東走

記○妻木氏猶存矣國史學要初賊軍據二條城也公卿近世外史作妻木火城自殺誤

恐亂起輦下及其徙大阪眾心稍安然隊將正治顯義與
 參謀交野十郎等議曰自古受敵於京師捷者豈矣渠據
 大阪絕我糧道以海軍扼兵庫而關東兵自海道進則我
 如籠禽無計可出不如豫置兵于但馬二丹略地方緩急
 以為應援及師起中納言西園寺公望將精兵三百出鎮
 其地既而大捷列藩速定嚮背者以其先扼要衝也近世史畧
近世事情○總督官純仁進抵大阪觀兵於近畿遣使問罪高
 松以下諸藩皆降初紀伊藩兵三千屯四天王寺密遣使
 請命參謀議曰紀伊雖歸順然賊之一族也不可信不如
 卻之紀人乃南歸先是彦根大垣諸藩悉歸順至是近畿

歸順 彦根大垣諸藩

關西盡服。國史要○詔削慶喜以下官爵令四方曰曩德川慶喜託事而南遣尾越諭之入朝將有善處之而怏怏缺望既詔禁會桑二藩入京而率以為先鋒宣言入朝欲以兵要朝廷官軍防之於郊而賊發砲中錦旗一敗東走其罪著矣不可不征乃大起征東師以有栖川親王熾仁任征東總督授錦旗節刀徵諸道兵令各國公使曰日本國內東西師起勿援東西勿鬻兵器又曰自今以京師為我政府公使等奉命建局外中立之約更訴曰近年我人民為貴國人所殺者數十人極其悲慘今天皇新聽政切望無復有此等事朝廷乃布告之四方而國人惡外人者倍衆。近世事情○二月詔分八局為總裁神祇內國外國軍防會

授錦旗節刀征德川氏

建局外中立約

初置八局

界浦暴舉人自

計刑法制度各治事務定大中小藩四十萬石以上為大藩十萬石以上為中藩一萬石以上為小藩置徵士貢士。職官表○土佐人銃佛國夫卒十六人於界浦有死傷者先是備前人亦要殺佛人於神戶佛公使大怒以五條要政府曰政府貴官宜入佛艦謝曰禁日本士官佩刀入外人寓館曰出償金十五萬元曰政府致書謝事曰刑日本人為逆者凡事刻三日得報即爽期則我將有所處焉時朝廷多事以曲在我立決四事尋逮土備人二十名處斬。近世史○外國事務官東久世通禧伊達宗城抵大阪告外國公使曰我政府新置外國事務局命吾儕掌之自今當相協議且我天皇欲見公使於京師卿等其領之公使曰聞

征東師起在近。吾曹將入橫濱以避亂。天皇賜謁則請急刻日通禱曰。余保外人在橫濱函館者無虞。勿以為念。公使曰。然不可曠日。至是英公使入朝。有處士襲之於途者。傷衛卒。我吏所殺。處士公使不畢儀途還。朝廷引先朝勅裁例以布告四方。使民知朝議所在。近世事○三月英佛蘭諸公使入朝。天皇引見之。賜以優禮。公使悅服。皆呼萬歲而出。公使朝見是為始。近事紀畧○參與大久保利通上奏曰。王師大捷。賊首東走。然而列藩嚮背未定。外國交誼未盡。宜以非常之斷行。非常之事。伏惟中占以還。天皇垂簾拱手。步不踏地。九重深邃。得近御座者。止公卿數人。所謂階前万里者。夫敬君上者。人心所然而推尊。失道則乖戾。天

始英佛蘭公使朝見

大久保利通上奏議遷都

改揭榜

五章誓約

刊行太政官日誌

大師東發

理否隔上下是古今通弊也。請看破俗論不節邊幅以從事於簡易輕便且平安僻在一方不足以擴張聖謨今日急務在建行宮於大阪遷都以一洗宿弊也。朝議嘉納之。近世史畧○詔撤諸道舊榜更揭新令以二條城為太政官代裁決庶政。天皇幸焉。會公卿諸侯誓曰。廣詢集議機務決於公論。曰。上下一心盛行經綸。曰。官武一途使庶民各遂其志。曰。看破舊習賴天地之公道。曰。求智識於寰宇以振起皇基。尋策問開拓蝦夷。太政官日誌○梓行太政官日誌頒布天下。使眾庶知政體。○車駕幸大阪觀海軍將親征。日誌既而諸道官軍集於京師。總督宮熾仁帥薩摩長門紀伊備前肥後因幡佐土原大村龜山水口等諸藩兵自海

慶勝鎮守逆臣

道督將岩倉具定帥薩長因別軍及土佐大垣藩兵自山道警聞江戶德川臣屬等日夜議守備或曰為今之計在藉外國之力若擁輪王寺宮以令天下是或東照公所以貽謀也或曰先扼函根以令列藩或曰以海軍襲大阪議不決先是紀尾二藩各結黨欲援宗家慶勝憂之下大義滅親之令賜渡部新左柳原勘解由石川內藏允等十三人死梶鈴木丹後成瀨豐前等十七人秩自餘黜罰有差於是藩始知方向而紀藩士在東者猶與德川臣屬通謀近藤勇等亦贊之欲勸慶喜為攻守計時慶喜恭順悔非獨召勝安芳大久保一翁等謀鎮之手書戒臣屬曰謹勿抗官軍即抗猶割刃於吾腹遂出城屏寬永寺衆益不

官軍拔甲府城

徇忍城

憚聚兵編隊三兵隊多黨之或走常野或走甲府會山道官軍因土兵自信濃進徇甲府甲府城兵與隊兵合謀據山築砦於勝沼以抗官軍土佐兵排關擣其背而賊撤街道橋以上豚築塞官軍砲擊數合賊縱火聚落官軍沮靡因土別隊登山左右俯擊大破之斬獲略殲使松代藩守甲府而向江戶時薩長大垣兵既至羽生攻築田軍走之進攻忍城守將屠服謝罪一藩歸順督將岩倉具定率諸軍抵板橋總督官熾仁航至駿府輪王寺宮慈性與執當覺王院偕來駿府為慶喜請哀和宮天璋院各馳使於海道頂背相望而海道先鋒至品川勝安芳來見參謀西鄉隆盛具陳慶喜恭順狀請弭征師安芳素知隆盛說之尤

勅使入江戶城

救江戶城

結城軍

力隆盛徵謝罪表信。安芳奉命於是。督府會議下令止攻。擊置諸道軍於江戶。戍之。太政官日記 ○四月四日勅使少將橋本實梁侍從柳原前光入江戶城。明治史要田安慶賴等開門迎謁。實梁宣詔曰。宜獻江戶城及軍艦兵器。曰。助逆者特宥死一等。宜斷案奏罪。曰。假慶喜死一等。宜屏居水戶。慶賴奉詔致城。居三日。慶喜退徙水戶。大鳥圭介古屋作左。秋月登助等不懌。去橫行總野之間。論土豪募軍。須說諸侯。皆脅從之。結城城主水野勝任亦應之。其臣小幡兵馬等唱義奉嗣子。逐勝任。既而勝任誘賊薄城。殺兵馬等而入。嗣子走投官軍。賊乘勢逼宇津宮。時彥根兵在宇都宮。於是報急。板橋參謀香川敬藏與薩將有馬藤太。

宇都官陷

長將祖式金八。土將上田楠次等以兵三百急襲賊別軍於流山。破之。賊棄兵仗走。追擊獲賊酋近藤勇。檻致之。板橋斬以徇。軍門醢首送京師。梟四條。積乘勝攻結城。城兵擁勝任棄城走。金八率須阪兵據結城。敬藏等至宇都宮。既而圭介等襲結城。陷之。金八走投宇都宮。與敬藏等以彥根大垣館林笠間兵擊賊於小山。賊用小隊布散狙擊官軍。彥根將青木貞兵等死之。圭介等次橡木。秋月登助土方歲三襲宇都宮。官軍逆戰城外。登助歲三冒死挺前。官軍卻入城。圭介自鹿沼來橫擊之。會津兵亦自三王嶺來。砲聲震天。縱火城下。官軍苦戰不支。棄城而走。城主戶田忠恕投館林。賊略城地。先是板倉勝靜因彥根降。在城

復宇都官城

中為賊所奪。賊出自岩井坊。襲關宿。官軍設伏破之。賊踏屍奮戰。殺傷相當。官軍別擣其背。走之。使人說降之。或降。或投宇都官。自小山岩井之役。諸藩往往歸順。而兵概擐甲。揮槍。故戰多不利。警報江戶。朝廷命薩長土因垣援之。五藩師至。壬生與近傍諸藩歸順者。合大舉攻宇都官。賊逆擊之。安塚分兵擣薩垣軍後。彈丸如雨。薩垣別軍自雀宮來援。夾擊破之。賊卻入城。分兵扼明神八幡二山。官軍環攻宇都官。賊堅守。而在山上者。橫擊官軍。官軍多死。因將河田佐久馬怒曰。蕞爾流賊多。殪我良。及日未沒。賊取城。諸君努力。咄嗟鼓衆。因人殊死戰。踰空濠登城。隄拔其一角。殪賊亡算。賊軍辟易。衝圍而南走。官軍復城。圭介

大總督入江戶次增上寺

廢三職八局更置七官

置京都府

八幡貝塚戰

等屯日光山。傍官軍擊敗之。圭介遂奉東照宮木主走會

津古屋。作左率兵。襲飯山。放火城下。城兵苦戰卻之。鎮將府日

誌雨窓紀聞 ○大總督熾仁親王入江戶。次增上寺。收金銀銅

座。現存金貨六萬千七百三十兩云。明治史要 ○是月車駕還

幸京師。○詔謚贈三位楠正成神號。築社壇。是為湊川神

社。太政官日誌 ○閏四月。詔廢三職八局。更置議政行政神祇

會計軍務外國刑法七官。設官等九。三等以上為勅任。五

等以上為奏任。六等以下為判任。置京都府。職官表 ○賊襲

八幡貝塚。官軍擊走之。先是德川臣屬據木更津。盛峙糧

仗。向船橋。總督官熾仁命諸藩擊之。備前兵軍八幡。安濃

津。兵軍貝塚。筑前兵軍行德。佐土原兵軍鎌谷。以備之。黎

明賊來襲八幡貝塚。備津軍倉皇失措。且戰且卻。賊乘勝
 追尾。擠之於市川。佐土原兵來援。賊逆擊之。官軍伏麥畦。
 狙擊更發。臼砲殪賊無數。殘兵四走。與牙兵合略。八幡貝
 塚。而傳餐船橋。佐土原兵謀知之。自水陸三道夾擊。走之。
 備前兵反戰。合擊筑前兵。亦來擊。放火船橋。蹙之。烟焰蔽
 天。賊遂潰走。後三日。上總悉平。鎮將府日誌。關東監察
 使三條實美抵江戶。宣詔召田安龜之助。紹宗家。後尋賜
 駿遠奧羽地七十萬石。江城誌。龜之助後改名家達。○賊襲
 白川城。城兵邀戰。賊縱火城下。自三面入。踰濠乘城。城兵
 不支。縱火於城。自後門走。初二本松人在城中。為賊內應。
 開前門。引之。至是陽殿而去。而官軍不知焉。賊入城中。奪

白川城陷

上總悉平

征會督將至秋田仙臺

兵仗糧食。會津田中左內以兵三百來援。賊官軍設伏。破
 之。鹽崎追躡至板室。放火聚落。入太田原城。賊收敗兵。次
 三斗小屋。○征會督將左大臣九條道孝。大納言醍醐忠
 順。三位澤為量。帥薩長二藩兵。抵奧羽。為量在秋田。道孝
 忠順在仙臺。參謀世良修藏。大山格之助。從之。指揮東北
 諸藩。而諸藩危疑。號令不行。獨佐竹津輕。生駒等歸順。而
 庄內尤倔強不服。出兵略新庄。天童。數侵掠秋田境。江戶
 仙臺亡命。亦援庄內。其勢日猖獗。秋田大窘。訴急於督府。
 先是伊達慶邦。上杉齊憲。皆受命進兵於會津國境。既而
 慶邦遣其臣於會津。說容保。以謝罪表信。齊憲亦使人說
 之。自是使者往返。容保致書乞哀。二藩乃解兵。尋慶邦會

伊達慶邦等同盟白石城

齊憲於岩沼傳檄會庄內南部二本松三春等十餘藩重臣於白石城同盟連署以請恕容保罪道孝欲許之世良修藏曰渠若悔非輸誠則宜納城地兵仗以表其實而今盛修守備侵掠鄰境敢抗王師而乞哀謝罪之實何在乃詰慶邦以下同盟竊援會卻其書絕之促兵討會而仙米諸藩不服怒曰督將納言而參謀沮之是挾朝威以逞私意也遂聞殺修藏徇其罪狀以煽動南部諸藩於是連衡以援會津同盟者十有七藩遠近騷然衛士擁道孝忠順入盛岡盛岡既連衡乃投秋田遣使報急江戶時賊傳檄東北曰吾等雖如背內府意然名義之不能已者也唯有謝罪於內府於黃泉而已獨怪戚屬勲舊無一人正言詆

削慶邦等官爵

寃於朝廷者唯仙臺首唱大義米澤以下奧羽連衡會津庄內確乎不撓北越諸藩同盟守義而仙臺上書壅弊不達會庄亦不能免寃嗚呼天地晦冥一至于此乎吾黨欲雪君寃死於名義以維持綱常於萬世耳○詔削慶邦齊憲等官爵時既官軍分道向會津薩長加賀尾張越前松代松本諸藩自越後薩長別軍及忍大垣諸藩自白川進仙臺棚倉出兵援白川官軍攻白川賊邀戰城外自辰至午互前互却官軍數十人拔刀逼寨賊繞自山路出衝官軍後其在山上者俯擊官軍官軍不利詔令因備大村柳川佐土原笠間兵援之○五月朔官軍分兵自三道襲白川棚倉道先敗棚倉兵奮戰皆死一隊三十六人生者屢

復白川城

太田原城陷

六人而二道皆敗。官軍乘勝全入城下。殘兵棄兵杖走。此役斬獲六百餘人。白川與羽要衝。途通八方。先據之。攻守兩便。故先爭之。後賊數襲之。遂不能拔。近世史畧○賊自板室百村出襲太田原。拔之。縱火城下。城主太田原富清已遁。是日官軍在白川。而不能援。故陷。然賊亦寡兵。不能守之。弃城而去。○十五日官軍討東台賊。殲之初慶喜之納。城地兵仗也。臣屬不懌。據寬永寺。稱彰義隊。欲擁輪王寺宮慈性以舉兵。執當覺王院。稱為知理義者。私愆憑之。而會津庄內諸藩為之聲援。其勢益張。其徒招兵。繕甲。亡命伏匿者。若奴隸輿僮。失業者。盡集。餬口。瓦合。鳥集。無復紀律。其遊步帶長劍。著高屐。偃蹇亡賴。時官軍縫錦符於衣。以

東台之役

為標章。彰義隊遇之於途。則或罵詈。或刺殺。官軍憤懣。奏請討之。總督官熾仁宣詔德川家達。卻之。不肯退。欲使慈性諭之。覺王院沮之。乃詔討之。軍務長大村益次郎部署所向。肥後薩摩。因幡兵自湯嶋長門。肥前筑後。大村佐土原。兵自本鄉。而備前阿波尾張。紀伊安藝。筑前安濃津。兵各有所向。賊兵聞之。數百人乘夜脫走。黎明官軍圍東台。賊開門衝突。官軍卻陳廣小路。會大風雨。官軍發巨砲。破黑門一角。賊軍辟易。別隊自山王山俯擊官軍。官軍攀樹仰攻之。官軍多殲。別軍來援。遂走山上。兵賊據寬永寺。拒戰。官軍縱火。蹙之。賊兵大沮。喪覺王院倉皇奉慈性。自間道走。屢免。官軍自根津團子阪尾擊殲之。此役市街接近。

遣問罪使于小田原藩

東台者。概羅兵燹。寬永寺之火。益熾。烟焰衝天。夜二更始滅。自是錦符之威。震江戶。總督府遣問罪使于小田原。先是林昌之助。上奏請獻其邑。以臣屬於德川。既而以兵數百去。據函根。遣監軍中井範五郎。三雲某於小田原討之。小田原藩私援之。殺範五郎。逐某。至是小田原畏縮。刑首謀。討殘黨。以乞哀。乃詔削其封。於是關東八州粗定。詔收祿。德川遺臣。自是歸順者多。江城日誌 ○官軍進取長岡城。先是水戶。姦黨市川三左。朝比奈彌太等。率兵四百八。越後。與長岡村上諸藩。扼長岡。小千谷。榎嶺。妙見道。榎嶺最險。為長岡要路也。官軍分兵為二。一襲小千谷。破之。軍信濃川東。一襲榎嶺。妙見道。拔之。環攻長岡。互有勝敗。居

取長岡城

置大阪府江戶府

十日。賊大舉圍妙見道。榎嶺。絕河東接路。官軍孤立。參謀黑田了介。山縣狂介。撰河東精兵。擣其腹背。而隊將三好軍太堀潛太。竹田十左等。率長門高田兵二百。乘曉霧。濟筑摩川。會霖雨。河漲。舟殆覆。塵達前岸。直衝賊壘。賊軍狼狽。棄守走。追擊殲數十人。奪兵仗時。薩兵三百餘。自楨下。濟諸軍踵進。榎嶺。妙見軍亦會。鼓譟而進。賊苦戰不支。燔城。擁城主牧野忠恭。走椽尾。官軍取長岡城。尋忠恭投會津。雨窓紀聞 ○詔再興豐臣太閤祠。行在日誌 ○置大阪府。太政官日誌 ○大總督熾仁親王。假置鎮臺及市政社。寺裁判所。尋置江戶府。明治史要 ○六月。賊米澤人千阪者。議曰。新發田。首鼠兩端。不及今討之。恐貽禍。乃會津仙臺。米澤進兵。新發田

賊逼新發田

薄城下。要曰：藩主出質於米澤乎？出兵表信乎？否則旗鼓相見。城主溝口誠之進將出質。農民聞之，四聚撒橋，搜道揭紙，飾持竹槍，填咽城下。以沮之。賊等相議，呼其老溝口內匠等，讓負約數事。曰：農民嘯聚，蓋藩士嗾之也。速出首謀者。內匠携二人至，而陋劣不類。賊怒其詐，遣歸。逼出兵。於是新發田始出兵數百人，既而歸順。○七月，官軍拔平城。先是，拔棚倉城。城主阿部正者走須賀川。官軍進，拔泉城。城兵走湯長谷城。海陸尾擊，又陷之。賊皆萃平城。設關城外，積土豚，築砲臺，以戍之。參謀河田佐久馬部署諸軍。一自湯本道，一自小名濱道，進以薄之。賊多執倭銃，會雷雨不能射。柳川兵奮鬪，破關。薩兵拔外郭，夾橋，砲擊柳川。

拔平城

長岡城陷

兵百五十人，潛緣橋架，挺前擣賊。木翼橋上軍亦前，賊兵披靡，入城嬰守。官軍砲擊甚力，日暮退營城外。夜半賊火，城東走。官軍取平城，徇近傍，尋致富岡陷。二本松城，城主丹羽長國走米澤。近世事情○賊陷長岡城，官軍擊復之。先是征會總督仁和寺官純仁、西園寺公隆、壬生基修進抵越後。時官軍據長岡扼要害，分兵援新發田，欲破賊寨，直向會津。乃部署所向，將待明旦戰。長岡人河合繼助偵知之，率死士五百人，放火薄城。城兵聞砲聲，以為我兵進擊之號，而聲漸近，細作忽報賊來。初賊約舉火為號，火起三所，賊塞望見之，万砲齊發，繼助乘勢豨突。官軍苦戰卻之，既而會津人佐川官兵等襲官軍背，放火乘之，與繼助犄角。

復長岡城

官軍官軍敗走賊遂復長岡城繼助被創數日而死官軍
 一屯榎嶺妙見阪一屯信濃川西南築塞河岸而賊兵大
 舉濟川薄之或曰不如卻兵於五國嶺避銳擊惰也參謀
 山縣狂介曰我今卻一步失勢進一步得勢豈可以一挫
 折失軍機哉且聞東道官軍據白川略地方全入奧羽顧
 效輩顧後不能持久諸軍勗之渠狃勝稍懈可一舉取也
 乃昧爽乘大霧遣人偵賊營賊皆偃卧直入揮刀刺擊殲
 數十人賊兵驚潰官軍吶喊縱火四方逼長岡城砲聲震
 天地賊軍辟易棄守走官軍遂復長岡城捕市民通賊者
 斬徇軍門先是慈性及覺王院等投仙臺故賊軍益猖獗
 伊達慶邦遣其臣志茂又左等於秋田曰逐九條以下三

改稱江戶曰東京

榎本鎌二郎等以軍艦脫品川

卿及衛士否則旗鼓相見參謀大山格之介怒其無禮捕
 又左等十人斬徇軍門仙臺南部庄內出兵日蹙秋田薄
 城下秋田殆陷既而薩土佐賀嶋原平戶官軍來援秋田
 討南部庄內復其侵地中村三春等皆歸順時官軍航海
 者抵松崎進據新發田連陷水原新瀉勢大張近世史畧○詔
 改江戶曰東京○八月置東京府江城日誌○詔褫加陽官朝
 仁位官初德川慶喜之東也朝仁竊通聲息於關東至是
 事發謫於安藝朝仁故尹官尊融也時慶喜在水戶舊臣
 將奪去慶喜恐有變奏請徙居駿府近世史畧○榎本鎌二郎
 松平太郎荒井郁之助等帥開陽回天蟠龍神速千代田
 長鯨感臨三日保八艦脫品川而入仙臺其感臨三日保

賊艦感三日
保沈沒

途遇颶風沈沒初朝廷收德川軍艦也錄二郎等哀訴乃收其富士山等四艦特賜其餘錄二郎管學兵於荷蘭最善海軍而部下精銳開陽艦者架大砲二十六門蒸氣力兼四百馬堅牢精緻稱本朝第一衆咸賴之而不憚慶喜恭順三兵隊之脫江戶錄二郎等在品川潛通謀約見機相援及聞奧羽連合相議曰吾黨帥此堅艦橫行海上以援陸軍則天下之事可圖也至是留書朝廷而去朝廷怒其書辭悖慢擬海盜令天下禁與糧食告各國公使勿與之接江城誌官軍在白川及二本松分兵拔赤谷石間二關進軍諏訪嶺會津水戶長岡等諸賊以見兵五千餘沮會津川相持時參謀伊地知正治板垣退助等議曰會津

根蒂也如仙米枝葉也先絕根蒂則枝葉隨落且若松城早雪距今三十日沍寒不得輒進機不可失也即分兵當仙米而率薩長土大垣大村兵向會津登方成嶺賊自嶺上俯擊官軍連發巨砲奮關走之又別破石筵二枚橋而夾擊之廣野又破之賊兵衝圍而走官軍追擊至猪苗代直拔之進至瀧澤又擊破之初賊編隊為四曰朱雀最銳曰青龍次之而老者為玄武幼者為白虎是日容保自指揮諸隊在瀧澤白虎大敗死亡殆盡留者十六人知力不支各偶刺而死容保收兵入城官軍尾擊直薄城下拔外郭進衝城北門賊發巨砲拒守乃轉圍南門賊入江惣助等數十人揮槍突出官軍辟易長將高須梅三郎勵衆曰

圍若松城

安藤市藏等伎倆。吾能知之。未足畏也。摠助等殪官軍而死。蓋市藏嘗與梅三郎同學。槍於志賀氏。而爲會津槍師也。是日賊將小原右衛門馳馬將入城門。官軍銃而斃之。從者馘之而去。田中土佐神保內藏介屠腹死。西鄉賴母挈其子入城。其母妹妻與族西鄉小森町田等。妻子縱火於家。偕伏刃而死。內藤可隱上田爲閑。刺妻子而死。其他或至佛刹自刃。或在家伏刃而死。初容保爲守護職。賴母入京。勸其辭職。失容保。旨得罪屏居。及攻守事急。使之再起視事。及白川陷。賴母謂事不可爲。主張歸順。而不聽。反以白川陷。委罪賴母。議不合。亡幾。賴母出城北。投榎本軍。旣而紀尾藝肥前宇津宮大田原兵皆會。城下夜半賊來。

襲官軍苦戰卻之。其後屢乘夜來襲官軍。頗苦。先是松平定敬。竹中春山。板倉勝靜。小笠原長行等在會津。至是春山走米澤。定敬投仙臺。勝靜長行忠恭等前後北走。官軍取小田山。山距城太近。可俯瞰城中。乃以野戰砲俯擊城中。更築寨於城東南隅。巨砲連彈蹙城。兵賊佐川官兵帥死士千餘。來衝之。容保親出勞之。賜以正宗刀。衆感喜憤。戰官軍擊卻之。近世事情 圍城私記○九月官軍拔大內關山。長驅至飯寺。城中糧道絕。佐川官兵等聞警。吶喊防擊。官軍潰走。時越後官軍陷車嶺野澤。拔船戶。而進。賊兵皆棄守入城。而大鳥圭介走仙臺。投榎本軍。近世史畧○二十二日。以天皇誕辰。詔天下停刑戮。賜酺群下。日爾來以是日爲天長。

始行天長節儀

定一世一元制

保科容保降

節令海內祝嘉辰。尋改元明治。詔曰：自今以往，一世一元，以為永式。太政官日誌 ○二十三日，保科容保及子喜德、重臣萱野長修、梶原景武、內藤信節等降於軍門，上謝罪書，獻城及兵仗。參謀等接見之，先是參謀伊地知正治、山縣狂介、板垣退助等議曰：懸軍深入敵地，恐變或生，不如一舉拔城，乃部署所向，諸軍齊逼，城賊兵嬰壁堅守，一日發大砲千餘，退助使人私說米澤，米澤既降，以為先鋒，逼城賊援絕，勢屈，賊將手代木直右、秋月悖次郎面縛來，米澤軍請降，伏米人遞送之，土佐軍二人陳情乞哀，參謀會議許之。是日土佐卒僞狂至城門，賊等以其空手不銃之卒，徐入城勸降，乃賊使鈴木河村二人與卒偕來，土佐軍申前

米澤降

仙臺南部庄內皆降

請參謀授旨，刻日還之。至是，樹降旗，出降，乃幽容保父子及家族於瀧澤妙國寺，捕城兵四千九百餘人於猪苗代。佐川官真等在城外者亦皆降，捕之於鹽川。後數日，仙臺南部庄內皆降。初，官軍攻若松也，以四疆險阻不能搬，巨頑皆齋十二斤砲，故舉天下兵環攻，孤城費三十日云。江城日誌近世史畧 ○佐川之降也，水戶姦黨市川三左等率其黨數百人還水戶，據弘道館，正黨拒戰不利，城殆陷，乃馳使報急，總督府即令近傍諸藩討之。姦黨大敗，三左、彌太等挺身而走，匿下總水戶人捕而斬之。國史要 ○築燈明臺於沿海各地方，以便航海賊路。內外 ○冬十月，車駕行幸東京，以西城為行宮，總督宮熾仁奏東北鎮定奉還錦旗前刀。

車駕幸東京

榎本兼二郎等入蝦夷

優詔慰勞。賜金將士。有差。詔群臣議。與羽北越降人措置。近世○頒藩治職制。及職制規則。近世○賊榎本兼二郎。大鳥圭介等。奪函館。據之。先是。兼二郎等。在石卷。備佛人三名。使部下兵就之。教閱。而東北已不無所容。身會大鳥圭介等。自會津來投。乃議。夜帥回天。開陽。神速。蟠龍。千代田。長鯨。六鑑。抵鷲木港。港距函館。僅十里。秋田。津輕。松前。大野。小倉。福山。兵戍之。聞賊艦來寇。棄守。入函館。賊乃上陸。分兵為二。土方歲三將一軍。向嶺下。官軍逆擊。卻之。大鳥圭介將一軍。援之。官軍敗。斂。歲三等直入函館。略近傍。進襲大野。燒一本木。有川。函館賊艦長鯨。途遇。颯後。諸艦。而入。鷲木。無幾。大舉襲七重。官軍逆擊。破之。賊諏訪部信

函館府知事走津輕

賊奪高尾艦

松前江刺陷

五憤怒。揮刀挺前。大岡三好等。踵進。皆死。而官軍亦多死。傷賊遂取七重。進拔五稜郭。時函館府知事清水谷公考。在五稜郭。與從者數人。走津輕。賊艦開陽。回天。神速。蟠龍。入函館港。奪官艦高尾。而上陸。推永井尙志。為函館奉行。告居留外國人。裁決事務。近世○十一月。賊拔松前城。取江刺及館。先是。賊艦蟠龍。直逼松前。官軍自列寨。砲擊。賊連發石榴彈。破一寨。官軍砲擊中之。艦壞。乃逃去。既而賊艦又入福嶋灣。砲擊陸地。而圭介。歲三等。將陸軍來薄。松前城。城兵欲嬰城。決戰。時城主松前德廣。在江刺。隊將安田拙造等。知勢不可抗。徒德廣於外。而藩士鈴木織太田崎東等。聞之大怒。往江刺。殺拙造父子。聞藩騷擾。賊來。襲

賊艦開陽神速
破碎

館寨陷

坐入城中。城將田村量吉等縱火戰死。賊遂拔松前城。海陸並進。薄江刺。德廣與其臣數十人走津輕。賊又取江刺。其夜風濤大起。賊艦開陽殆覆。乃倍蒸氣力。轉遠洋以避。暗礁而風益烈。艦掀翻而觸礁。進退維谷。回天神速欲援之。而風不衰。二艦不得近。居四日風勢少衰。鎌二郎等攜兵器上陸。十餘日而開陽神速皆破碎。時歲三等逼館寨。官軍闔門砲擊。賊發銃應之。伊奈誠一越智一朔俛從門扉下入。啓扉。象吶喊突入。官軍應戰。隊伍頗亂。彼此不辨。有一人揮刀跳出。呼曰。吾正義隊長三上長順也。直斫誠一。賊橫田提短銃來狙。又斫之。有二人自後刺長順。斃之。官軍潰走。賊遂陷館寨。長順松前法華寺僧也。官軍聞其

分陸奧為五國
出羽為二國

廢局外中立約

車駕還幸京師

有武幹擢為隊長。云函館日誌。○詔召保科容保。其子喜德。伊達慶邦。上杉齊憲等。尋輪王寺宮慈性自東奧歸。詔幽之於西京。江城。○十二月特詔減容保喜德慶邦等二十三藩主死一等。幽之於各藩邸。削慶邦齊憲等封使同族。襲後明年特詔賜陸奧斗南地三萬石。於保科容保。以存其祀。近世史畧。○詔分陸奧為磐城岩代陸前陸中陸奧五國。分出羽為羽前羽後。以其地避遠。皇化難及。故區畫經略之。以見一視同仁之意。輿地誌畧。○詔諭外國公使廢局外中立約。朝廷新得甲鉄艦。初德川氏購此艦。是夏入橫濱。而米人自建旗章。執中立令戍之。至是獻之。其堅牢精緻。出開陽右云。近世史畧。○車駕還幸京師。內外。○榎本鎌二郎

等介英佛船將上書朝廷曰德川脫藉微臣昧死白獻旨欲使德川以下降人無凍餒者凡有生之類無不戴覆育之仁而德川舊臣過三十萬人非七十万石所能養是皆二百餘年所响濡教訓也雖填溝壑不能伍工商是以流離間關其匿江戶者亦不可更僕臣等欲誘之移住蝦夷開拓榛蕪驅無用之人以就有用之業嚮因舊主德成歎訴不允臣等乃私議就幾千人撰什三與偕航至仙臺會奧羽平無容亡命者臣等踟躕因四條公陳情欲航蝦夷而冒沍寒耐風雪指畫地方以守北門鎖鑰今茲十月入鷲水港欲報狀於清水谷侍從以諛命而得流賊之名見襲擊遂交兵固非有抗朝廷之意而侍從以下函館吏

胥皆自引去市民騷然於是臣等相議經略其地以其係外國互市之地遣人報狀松前而使者見殺尋松前人亦走故入視松前事今函館松前農商安堵而開拓亦就緒然而臣等三十餘心即無主長則猶有手足無頭目不得統一伏請舉蝦夷賜之舊主得以養舊臣而敕裁撰德川血胤一人爲之總括則臣等感奮致力必變沮洳之場爲富強之境嚴全嶋之守興內地之利是方今之急務也本朝不幸內亂接武士民倒懸有不忍言者而甲勝乙敗要之兄弟鬩牆以招外侮故臣等素不好亂而戰出不得已願聖明鑑之頃者英佛艦入函館臣等出見船將船將憐臣等意教以調停之策臣等謂抑塞之情得徹於大不勝

模本鎌二郎等
部署函館

始造紙幣

置公議所

歡喜。以待恩命之下。不勝戰栗之至。眾議權置首長。使眾
 公撰投標。以模本鎌二郎為總裁。松平太郎副之。荒井郁
 為海軍奉行。大鳥圭介為陸軍奉行。蓋倣合眾國例。從群
 望也。以五稜郭為本營。置奉行於函館。松前。江刺。以總地
 方庶務。徙兵二百餘人於室蘭。以武澤為奉行。將拓蝦夷
 先是朝廷聞函館之變。命德川家達討之。慶喜請自往。不
 允。更命德川昭武征之。至是見其書辭亡狀。詔天下征討
 之。國史要 ○是歲始造紙幣。○二年己春正月。近畿關西諸
 侯入朝賀正。太政官日誌 ○刺客殺參與橫井平四郎於退朝
 途。後捕而誅之。○詔禁警蹕。喝道示虛威。日誌 ○二月置公
 議所。徵諸藩士為議員。議政事。後改曰集議院。公議所日誌 ○

撤諸道關

廢礫焙二刑
刊新聞誌

置待詔院

車駕再行幸東
京

詔討函館賊

結條約於瑞典那威及西班牙國。內外一覽 ○詔撤諸道
 關。以便行旅。廢礫焙二刑。尋許發兌新聞誌。○詔賜毛利
 元就豐榮神號。創護良親王祠於鎌倉。宗良親王祠於井
 伊谷。是為鎌倉官井伊谷官。太政官日誌 ○三月置待詔院。以
 開言路。後徙之集議院中。公議所日誌 ○車駕再幸東京。以西
 城為皇居。自是駐蹕東京。先是召公卿諸侯於東京。至是
 會同詔問政體。亦採其公議也。尋各賜暇。就國。太政官日誌 ○
 諸道兵皆集。乃詔討函館。告外國公使在其港者。避亂而
 海陸進兵。伏見親兵。函館府兵。及薩摩。長門。備前。肥後。水
 戶。安濃津。久留米。福山。弘前。松前。德山。大野。黑石。陸軍。凡
 六千五百人。分日向函館。海軍將品川四方。土方堅吉。

官古港役

賊艦高尾壞

赤塚源六中牟田倉助岡啓三郎石川貞之丞山縣久太郎等乘甲鏡春日丁卯陽春等七艦先發入官古港賊等聞之議戰守荒井郁等帥回天蟠龍高尾三艦發函館味爽有一艦翻米國旗號入官古港官艦以為米艦不設備稍近忽揭日章發巨砲直衝甲鏡官軍驚遽塵點火於蒸氣罐不遑轉運發砲而賊兵大塚浪次野村利三等乘間揮刀跳入四方一堅吉等揮短槍斃之賊將甲賀源吾等倚甲板梁指揮從兵發五十斤砲摧甲鏡甲板官兵多傷官兵憤怒狙擊源吾殛之賊兵沮喪轉艦逃去官艦追之初賊艦三隻向南部蟠龍為風濤所沮不及事高尾蒸氣關壞在官古近海不能進船將占川等燒艦上陸而降森

置民部官

官艦入蝦夷

復江刺

岡藩官艦之逐回天者見高尾無人火已發亦棄之而去於是官艦約向函館賊等出回天蟠龍千代田三艦日夜巡警函館港又分兵守五稜郭函館松前城江刺福嶋室蘭等地近世史畧 國史學要○夏四月置民部官職官表○長陽等官艦亦入奧羽諸港與甲鏡春日陽春丁卯同向江刺陸軍至乙部上陸直扼崖山要衝賊水寇官軍在高俯擊官艦亦橫擊之賊兵敗去阻土場川而軍官艦轉攻江刺江刺土場川賊駭顧走松前官軍進取江刺賊欲復之豨突而來剽悍善戰官軍不利乘曉霧襲二股幾占內賊大島圭介等以兵數百逆戰砲彈雨注官軍又敗時仙臺亡命二關源二等五百人投賊軍賊勢頗振其在松前者聞幾古

復松前城

內二股之捷議大舉復江刺率兵至清部官艦春日自海濱橫擊與陸軍夾擊殲數十人殘兵走江良尾擊破之賊卻據折戶寨狙擊官兵官兵數十死之時官軍向山道者遠出其背夾擊敗之而官艦已薄松前砲擊城及砲臺市街賊兵彈竭裝小彈於大砲以戰亦盡而官軍海陸蹙之遂復松前城賊卻保幾古內官軍乘大霧襲取之以地形不佞徒陣背山結營賊在尻內者聞敗來襲官兵後敗兵反戰又復幾古內亦以其難守棄之而去築堡茂邊地矢不來據之先是賊在尻內見一艦來以為官艦欲戰米人自艦出更乘走舸饋牛肉雞子尻內洋空曠平沙四無人家而為咽喉地錄 郎等欲備於無形囑米人求食物故

幾古內戰

二股戰

米艦旁午往來而官軍不知之也○官軍攻二股破之賊堅守屢出生兵而戰砲響振天連日勝敗不決防戰尤烈賊每銃一發銃熱不可復握設大桶盛冷水且浸日後諭寨衝突官兵却退監軍駒井正五郎望見之怒率兵數十蹂躪之官兵反戰賊敗走正五郎遂殪於流彈此役兩軍死傷四百餘人近世史畧 兩志記聞○攻矢不來拔之是日官軍自兩道進大鳥圭介率兵五百來戰官軍欲擊其左甄乃登路傍峻山賊豫築寨山腹狙擊官兵官兵多死之別軍亦敗既而甲鍊春日等五艦近岸橫擊官軍乘勢奮戰而百斤彈自甲鍊連注中砲臺碎大砲賊兵遂潰兩館 日誌○五月官軍屯七重及大川其夜賊古屋作左以兵三百乘風雨

矢不來戰

七重戰

復函館

來襲。暗黑不辨咫尺。官軍狼狽相擊。乃踏藉而去。是夜大川正三郎亦率兵數百來。放火於營。官軍苦戰卻之。既而大鳥圭介帥兵八百。侵七重。官軍豫伏。兵以破之。蝦夷日記近世

○官軍大舉拔函館。先是甲鏡春日長陽陽春丁卯五艦攻函館。賊將荒井郁松岡磐吉森本弘策以回天蟠龍千代田三艦拒之。砲戰甚烈。海水為溢。賊知其不可抗。欲藉辨天砲臺應援。即測其距離。佯卻港心以誘官艦。官艦逐之。臺彈果注官艦。碎長陽甲板。梁傷其砲臺。折舷。官艦猛進。猶不止。既而春日彈丸中蟠龍蒸氣罐。甲鏡彈丸殲臺兵數十。日晡交綏。明旦忽有一艦來觸甲鏡。長陽迎擊之。不應。進突甲鏡。甲鏡慮官古港之變。避之。而長陽橫擊。

奪賊艦千代田

之亦不應。終過二艦之間而去。二艦異之。諦視則闕然無人。機關皆壞。前夜千代田苦戰。迷漂辨天洋觸暗礁。不能動。森本弘策破機關。碎火門。而上陸。鎌二郎等怒其匆卒。黜弘策為水卒。士官市川新太屠腹謝罪。至是潮回。千代田泛然流來。乃奪之。又向函館。賊艦蟠龍已傷。獨以回天當之。甲鏡發三百斤彈。碎其機關。賊乃徙之。淺洲為浮臺。以戰。彈丸中春日。殲官兵官艦。乃退。賊修蟠龍。既而官軍以春日陽春二艦擣函館。背別以萬年艦及小舟送陸軍於寒川。伏兵山中。以甲鏡長陽丁卯三艦進擊函館。賊艦蟠龍與浮臺砲臺相與拒之。伏起夾擊。賊兵敗走。春日陽春與甲鏡諸艦連擊砲臺。殆獲蟠龍。而蟠龍發石榴彈中。

賊艦回天蟠龍皆碎

長陽硝庫。黑烟飛揚。響徹十里。長陽忽沈。諸艦急救。溺敗兵乘間反戰。官兵敗走。七重蟠龍進。砲擊七重。甲鍊春日。吶喊尾擊。殆碎之。蟠龍走入砲臺下。投砲器壞。機關縱火。蟠龍回天而上。陸至是。賊艦盡破壞。官軍乘勢奮戰。斬賊將土方歲三等。遂拔函館。賊退保五稜郭。千代岡。辨天砲臺。官艦逼。五稜郭連發榴彈。郭壘震裂。賊兵多死。監軍片山米右往。辨天砲臺諭令出降。賊永井尙志等至五稜郭。議之。既而臺兵皆降。函館日誌 ○官軍攻千代岡。拔之初。遣使千代岡。諭以順逆。不聽。辱使者。官軍怒。分兵為三。自七重濱。枯梗野進。而隊長來嶋賴三率眾挺前。丸中右股不顧而進。樽澤上山森等爭排關。踰濠而入。大鳥圭介瀧

取千代岡

川光太。澁澤誠一等。決死力拒。不支。或走五稜郭。或走湯川。而獨中嶋三郎介率其二子登堤。力戰。官兵樽澤挺身當之。七離七合。身受十數創。流血淋漓。遂殪三郎介。而樽澤亦死之。二子亦皆鬪死。官軍取千代岡。三郎介故浦賀與力。為人强悍。通歐羅巴學。後為開陽軍監。及其亡命。衆推為函館奉行。兼砲兵頭。常言北海吾埋骨之地也。一本水之戰。丸中其腹。治療半日。聞千代岡急。包創來援。重彈十二斤。殪官軍數人。云官軍遣使五稜郭。曰今日之戰。幸拔千代岡。將攻五稜郭。然恐貴營動搖。故先報知之。若乏糧仗。則多少給之。賊齋藤辰吉答曰。糧彈未盡。礮刀在腰。有待戰耳。辱厚諭。謝之。轅門是夜。賊築砦於城門外。設地

五稜郭賊降蝦夷平

鎌二郎贈萬國海律全書

雷火以待官軍至。先是，榎本鎌二郎致書官軍，請徙瘡痍者二百五十人於湯川。官軍特許之。近世史畧 雨窓紀聞○十八日，榎本鎌二郎、松平太郎、荒井郁、大鳥圭介等出降軍門。永井玄蕃、松岡磐吉、相馬主計等踵降。前後降者凡千八百人。先是，參謀中山良三往五稜郭，見鎌二郎，諭以順逆。鎌二郎曰：「不能奉命，當相見轅門。」乃取萬國海律全書二冊附良三曰：「某嘗學兵於歐洲，是錄其所見聞者也。贈以酬君厚意，苟有裨皇國，死亦不朽。先是賊執支那人四十一名，於函館役之。至是約贈之官軍，又放還津輕松前俘囚。曰：某等分死，不欲使玉石共碎，故還之。既而參謀與書，鎌二郎曰：子愛惜天下寶書，屬烏有特見寄贈，感荷何已。他日

建招魂社

欲譯以公布天下，勿以為念。贈酒五樽，以慰將士之勞。鎌二郎置酒，謂眾曰：「待糧盡，死戰耳。年少者前途遠矣，宜歸順以全命也。」田村銀介年十五，作色曰：「公侮少年邪？今日豈屈志乎？」鎌二郎欲屠腹，大塚鶴之丞諫止之。官軍田嶋敬藏至，又說以順逆。鎌二郎等議，就刑以宥眾。遂約降。鎌二郎來見參謀黑田了介、中山良三於千代岡。約刻期至，是開郭出降。尋室蘭兵亦來降，押送之。東京初，鎌二郎等脫品川也。與佛人三名偕北，至是捕之，報之佛國公使。公使罰三人，押送本國。近世事情 國史學要○詔誅會津以下各藩首謀者萱野權兵、但木土佐、坂英力等十一人。尋建招魂社於九段阪上。以正月三日、五月十五日、九月二十三日祭。

始設傳信機

建彈正臺

賞丁卯戊辰戰功

戰死者蓋以伏見東台會津之役為三大關鍵也。近世後史畧依新曆改之。以一月廿七日。七月四日。十一月六日為勅祭日。本社○設傳信機。自東京通橫濱。以優報告。內外事情○詔建彈正臺。職官表○六月。詔賞丁卯戊辰以來戰功。仁和寺。宮純仁。有栖川宮熾仁。九條道孝。醍醐忠順。以下二十三家。毛利敬親。鳴津茂久。以下九十餘侯。大村益二郎。西鄉隆盛。吉井幸輔。以下百餘人。賜祿及金。各有差。近世事情○昌平學校改稱大學校。明治史要○詔廢徵士稱。職官表○先是。薩長肥土四藩。上奏奉還藩藉。論不可私有封土。列藩亦倣之。廷議廣詢於眾。至是許之。立府藩縣三治一致之制。以舊藩主充知藩事。其歲入就現石。賜十分之一。以為世

廢公卿諸侯總為華族

改定官制

蝦夷改稱北海
道置十一國

祿遂廢公卿諸侯。總為華族。近世史畧○復木板舊儀。○秋七月。定官制。置神祇官。太政官。民部省。大藏省。兵部省。刑法省。宮內省。外務省。彈正臺。宣教使。開拓使。按察使等。設官位二十。從四位以上為勅任。從六位以上為奏任。正七位以下為判任。廢從前百官及受領。置左右大臣。大納言。參議。三職。以三條實美為右大臣。岩倉具視。德大寺實則為大納言。副嶋種臣。前原一誠為參議。一誠尋轉兵部大輔。蓋中古以還。官有名無實。至是據名定實。云。○除東京京都大阪三府之外。廢諸府為縣。太政官日誌○結條約於澳太利亞國。條約全書○英國皇子來朝。○詔改蝦夷為北海道。分為渡嶋。後志。石狩。天鹽。北見。膽振。根室。訓路。日高。十勝。

千嶋十一國與地誌畧○詔鋼松平定敬板倉勝靜小笠原長

行竹中春山內外一覽初定敬等在函館及官軍未北乘外國

艦去不詳其所在至是出降函館日誌○九月賊神代直人等

襲殺兵部大輔大村益次郎捕而處斬近世史畧二編○冬十月

皇后行啓東京

皇后行啓東京○詔賜贈從一位平信長建勲社號官國幣社

祭神考証○十二月追賞從二位德川光國唱尊王大義盡心

於修史功績贈從一位追賞蒲生君平高山正之節操賜

廢中下大夫等稱改爲七族卒

子孫三口米旌表里門太政官日誌高山操志○廢中下大夫以下

徒步足輕等稱改爲士族卒廢祿高總以廩米給之內外實

定諸旗章

○三年庚午春正月定國旗並各部旗章提灯目印尋定臨

時行幸旗章興出雲大社以下二十九社奉幣祭典布告全書

○除函館首謀之外原會津降人四千六百七十餘人函

館降人二十九人禁錮尋徙之青森其請歸藉農商者許

住都鄙內外一覽○二月山口藩脫隊兇徒爲亂以大納言德

大寺實則爲宣撫使遣山口鎮之未至藩知事討平之初

山口藩奉朝命改革兵制奇兵隊吉津庄藏佐佐木祥一

等憤激脫隊募兵千八百人圍藩廳掠奪官庫至是庄藏

以下三十五名伏誅首魁大樂源太郎脫而投久留米藩

藩人嶋田莊太等容之政府頗譏察之因莊太等襲殺源

太郎以昧其踪蹟後捕莊太等二十人錮之近世史畧二編○三

月米英蘭伊太利公使來朝獨逸國公使請巡覽山陽南

海西海諸港許之○夏六月德嶋藩騷擾遣彈正少將黑

山口藩叛卒圍藩廳

德嶋藩兵焚掠須本

田清綱中辨田中不二麻呂等鎮定之初稻田九郎兵衛隸屬德嶋藩知事蜂須賀茂韶居淡路須本九郎兵衛欲別立須本藩遣三田昇馬七條彌三右衛等賴茂韶上奏茂韶不懌請使九郎兵衛移住北海道昇馬等聞之大愾益取前請不止茂韶使平瀨伊右衛門藤岡次郎太夫多田禎吾等十一人上京哀訴藩情拒立須本藩朝議未決茂韶攜九郎兵衛將上京伊右衛門等聞之八人脫東京還德嶋糾合黨與襲須本放火銃殺藤本儀三郎等數十人九郎兵衛走讚岐賴高松藩上奏請朝裁於是命九郎兵衛復籍尋移住北海道日高國開墾志古丹嶋誅伊右衛門等首謀者十數人其餘貶竄有差近世史畧○秋七月詔

延齡大友大炊九條三帝

許平民唱苗字

定皇靈式年祭

定親王賜姓制

益大友帝曰弘文淡路廢帝曰淳仁九條廢帝曰仲恭

令海內曰字佛二國相戰我邦建局外中立之約頒局外

中立條件○九月許平民唱苗字閏十月置工部省

全○廢諸大夫侍以下位階祭以國名舊官名為通稱

十一月定皇靈式年祭曰一周三年七年十二年十七年

廿五年三十三年五十年百年以後每五十年祭之至五

年十一月改一年三年五年十年廿年三十年四十年五

十年百年以後每百年祭之公○十二月收諸國寺社領

地定除四親王之外諸親王皆自二世賜姓列華族制

定海軍服制太政官頒新律綱領本書梟首賊魁雲片

龍雄龍雄米澤藩人初稱回復德川氏介非望結黨與聚

造幣寮成

始置鎮臺
許平民乘馬

鉛硝銃器將舉兵事覺伏誅近世史 畧二編 ○四年辛春正月刺
 客殺參議廣澤兵助於其邸朝廷悼其非命賞其勲以贈
 正三位賜金三十圓內外 ○二月詔薩長土三藩徵精練
 兵以為親兵布告 以華族悉貫東京明治 ○人阪造幣寮
 成始以蒸氣機械製金銀幣造幣規則書 ○備英人以測
 量北海道 ○三月定武官朝拜禮式總用軍服 ○令海內
 人民以本月十一日遙拜神武天皇以為永式布告 ○夏
 四月詔置鎮臺於東山西海二道職官 ○許平民乘馬 ○
 定戶籍法布告 ○遣欽差全權大臣伊達宗城於清國假
 結條約條約 ○五月遣參議副鳴種臣於魯國議榷太疆
 界 ○定親兵軍服軍帽制 ○六月除皇族外總禁用菊章

廢列藩為縣

○定諸寺院祿制廢其執奏令地方官管轄之布告 ○米
 國公使參朝內外 ○布哇國帝齋和親條約書來朝條約
 ○秋七月詔黜福岡藩知事黑田長知斬大參事立花增
 美等五人其餘流徒有差先是長知裕藏空乏兵役多端
 以國用不支屢造楮幣以充其費至是發覺有此命以有
 栖川親王熾仁為福岡藩知事太政官 ○十四日詔廢列
 藩悉為縣召各藩知事諭罷其職期九月悉歸京明治
 詔廢從前諸官省新置太政官神祇外務大藏兵部文部
 工部司法官內八省開拓使職官 改太政官官制新置正
 院左右院廢左右大臣以下諸官置太政大臣納言參議
 樞密史以右大臣三條實美為太政大臣明治 ○八月改

官制等級太政官為本官諸省為分官寮司為支官分官等為十五三等以上為勅任七等以上為奏任八等以下為判任武官四等以上為勅任廢納言樞密史置太政大臣左右大臣參議三職列諸省長官上不設等官等表○定海陸軍律○定伶官職制○定船稅規則官途必書規則全書○定鎮臺管地以東京大阪熊本仙臺為本部其餘為分營表○收諸縣及華士族寺院所轄北海道地總為開拓使所管內外○廢穢多非人等稱都為平民○令天下人民散髮脫刀隨其意布告○冬十月以外務卿岩倉具視為右大臣兼特命全權大使參議木戶孝允大藏卿大久保利通工部大輔伊藤博文外務少輔山口尚芳為特命全權

定四鎮臺管地

廢穢多非人稱

差遣特命全權公使歐米

副使遣歐米諸國大使信報○佛國全權公使米國水師提督荷蘭兼瑞典那耳回辨理公使參朝○設傳信機自東京通長崎遂接續海底線通丁林國電信社以優報告尋自東京通青森內外○廢稱六十六部歷拜神佛者十一月大嘗布告○舉海內為三府東京京都大阪七十二縣神奈川兵庫瀨野玉入間足柄木更津印旛新治茨城群馬栃木宇都宮奈良堺安濃津度會名古屋額田濱松靜岡山梨大津長濱岐阜筑摩長野仙臺福嶋平若松關盛岡青森山形置賜酒田秋田敦賀福井金澤七尾新川柏崎相川豐岡鳥取嶋根濱田飾摩北條岡山深津廣嶋山口和歌山名東香川松山宇和嶋高知福岡三潯小倉大分伊方里熊本八代都城郡縣之制始定于此改置府縣概表○定縣治條例及事務章程○改平縣為磐前縣○命大藏省處分舊藩外國債○設郵便自東京通長崎以便信書明治史畧○廢

改置府縣為三府七十二縣

定縣治條例

始開東京長崎郵便

始置東京裁判所

普化宗及盲人官職布告○十二月外山光輔愛宕通旭等謀不軌事覺賜自盡其餘斬十二人禁獄四十四人○澳國辦理公使參朝呈國書內外覽○改關縣稱水澤縣○許百官靴履上廳○改福井縣稱足羽縣○置東京裁判所於司法省掌府下聽訟斷獄明治史要○五年壬申春正月解保科容保喜德松平定敬等禁錮免榎本鎌二郎大鳥圭介等獄鎌二郎後改名武揚○賞元近衛家婢村岡勤王操志賜米二十石終其身近世史畧二編○陸軍始車駕臨日比谷門外操練場覽行軍式後為恒例○改仙臺縣稱官城縣盛岡縣稱岩手縣○改大津縣稱滋賀縣○頒出版條例○二月金澤縣改稱石川縣松山縣改石鐵縣長濱縣

布地券定土地名稱

皇太后行啓東京

置教導職

改犬上縣○定神官等級明治史要○廢兵部省置陸軍省海軍省詔布地券於海內尋正皇宮地神地官廳地官用地官有地公有地私有地除稅地名稱區別布告○獨逸國辦理公使參朝呈國書內外覽○三月皇太后行啓東京○廢親兵置近衛兵廢神祇省置教部省令式部寮執行祭事祀典職官表○廢庄屋年寄名上置區長戶長○置離宮於赤阪○令開港場府縣廳揭國旗布告全書○頒勅奏官位犯罪條例○一向宗改稱真宗○安濃津縣改稱三重縣○舉東京城為皇居○夏四月名古屋縣改稱愛知縣○置教導職分級為十四一級准二等官明治史要○車駕御龍驤艦幸浦賀○斬賊渡邊悖輔近藤慶次月岡帶刀等

車駕巡幸畿內
山陽西海

設海內一般郵
便

定學制分學區

悌輔等舊會津人。初與羽鎮定。後快快不樂。時有流言。官廢佛法。悌輔等與月岡村安正寺住僧月岡帶刀謀煽動其徒。得二萬餘人。乃投旗。每旗題德川氏回復五字。逼新瀉縣。殺傷官吏。至是伏誅。近世史 畧二編○五月。車駕巡幸畿內。山陽西海諸道。巡御 事載○設師範學校於東京。募生徒入學。職官 表○伊万里縣改稱佐賀縣。○六月。深津縣改稱小田縣。熊本縣改白川縣。宇和嶋縣改神山縣。明治 史要○皇后行啓相摸溫泉。○除北海道後志膽振以北海內一般設郵便。以僂信書遞送。郵便 規則○廢幌泉海關。更置二海關於室蘭厚岸。尋設傳信機。自札幌至函館。接續青森線。內外 覽○秋七月。天皇與皇后共還幸。巡御 事載○定學制分海內為八

置裁判所十二
縣

廢僧官使僧徒
冒姓氏

大學區。尋改七大學區。以東京。愛知。大阪。廣嶋。長崎。新潟。官城。為大學本部。學制○八月。改正山梨縣下貢法。初武田氏管此地也。設租稅薄收法。以收人心。德川氏亦依舊不改。至是改之。人民沸騰。逼縣廳。縣官告之于上田。分營營兵擊鎮之。尋絞其主謀小澤留兵。嶋田富士。徒役其徒三千七百七十人。近世史 畧二編○置裁判所於神奈川。埼玉。入間。足柄。木更津。新治。朽木。茨城。印旛。群馬。宇都宮。十一縣。○廢僧官。○創立國立銀行。○九月。置裁判所於兵庫縣。○使僧侶冒姓氏。廢修驗宗。復歸真言天台二宗。○廢七尾縣。分屬其地於石川。新川二縣。廢犬上縣。合併滋賀縣。○頒布伊勢兩官遙拜式。以九月十七日。每歲舉行之。○自

東京橫濱鐵道成

東京至橫濱鐵道落成。車駕臨停車場。行開業式。各廳奏任官以上。及各國公使領事等。皆參會。是日許民庶縱觀。

明治史要 ○琉球國正使尙健。副使向有恒。贊議官向維新等。

王 冊琉球王為藩

奉其王尙泰命入朝。獻國書及方物。天皇延見之。尋冊琉球王尙泰為藩王。擬一等官。列華族。賜金幣三萬圓及邸第。

布告職官表 ○置海關於江刺港。○冬十月。魯國皇子參朝。

天皇同輿幸陸軍操練場。觀調練。遂抵橫濱。閱海軍操練。

近世史畧二編 ○禁賣買人身。解放娼妓藝妓。布告 ○置裁判所於

置裁判所二府六縣

京都。大阪。及靜岡。濱松。額田。滋賀。三重。愛知。二府六縣。

○設官吏私罪贖例。及公罪罰俸例。○十一月。禁僧侶托鉢。

廢大陰曆頒大陽曆

○廢額田縣。併愛知縣。明治史要 ○詔廢大陰曆。頒行大陽曆。

以十二月三日。定明治六年一月一日。以神武天皇即位

為紀元。尋此日。名紀元節。布告 ○定勅奏判任官及非役有

定大禮服及通常禮服

位。大禮服。及上下一般通常禮服。以從前衣冠為祭服。尋

定徵兵令

定皇族大禮服。布告禮服圖 ○詔全國募兵。布徵兵令。徵兵告諭書

○六年。癸酉一月。廢人日上。己端午。七夕。重陽。五節。以紀元

節。天長節。為祝日。布告 ○設傳信機。自後志小樽港。至札幌。

接續函館線。○定僕婢馬車人車乘馬遊船等諸稅。規則全書

改置鎮臺為六所

○改置全國鎮臺。以東京。名古屋。大阪。廣嶋。熊本。仙臺。為

鎮臺。東京。佐倉。新潟。仙臺。青森。名古屋。金澤。大津。大阪。姬

路。丸龜。廣嶋。熊本。小倉。為管所。○廢足羽縣。併敦賀。廢美

美津。都城。二縣。置官崎縣。廢八代縣。合白川縣。○擇各地

置公園

撤舊榜揭官令

許外國人婚姻

皇城災

勝境名區置公園○廢僧侶位階○二月令府縣揭示官

令撤舊榜○改正父祖被毆律禁復讐○廢神山石鐵二

縣置愛媛縣併香川縣於名東縣明治史要○三月詔許與外

國人為婚姻布告○天皇斷髮皇太后皇后落黛剃鍊漿近世

史畧二編○外務卿副嶋種臣為特命全權公使遣清國議臺

灣朝鮮事○白露國全權公使英國代理公使參朝呈國

書○四月布哇國全權公使來朝呈國書詔賜答書內外

○移轉教部省于常盤橋內教部省達○天皇幸鎌倉閱野營

演習○改定海陸軍律○五月五日皇城災天皇幸赤阪

離宮為假皇居以馬場先門內元教部省為太政官代布告

○頒改定律例本論○大藏大輔井上馨同三等出仕遊

發洋式權衡

頒賜皇上照影

澤榮罷初警等臨辭官上表願刺規政府其書人要言
政理與民力相矛盾請有政府省顧因陳即今國債一千
萬圓而歲經費為一千萬圓不足政府以參議人隈重
信為大藏省總裁由查覈之重信乃上陳二人計算多出
臆測概算不可信精條舉會計以示內外時或以井上之
書為信或以大隈之議為信物論紛然近世史畧○更定太
政官職制○發洋式權衡○大和田原改名習志野為操
練場○六月奈良縣令四條隆平請下賜皇上照影使人
民瞻拜聽之尋頒賜各府縣○廢柏崎縣併新潟縣廢印
旛水更津縣置千葉縣廢入間群馬縣置熊谷縣廢
守都信縣併枋木縣尋移印旛水更津裁判所於千葉

定証印稅法

禁火葬

縣入間群馬、裁判所於熊谷縣合併、宇都宮裁判所於
 橡木裁判所明治○定証印稅法發行印紙使人民貼借
 貸証書明治○越前美作筑前阿波讚岐上冠峰起火村落
 毀官廳皆愚民山不懌改曆徵兵新令云近世史○七月
 定訴答文例及訴答費用償却規則規則全書○改稱田畑總
 為耕地以其地價百分之三為地稅○禁火葬布告全書○與
 清國交換條約書尋定邦民在留規則○頒日本坑法改
 定鑛山坑業規則○八月賜官吏避暑暇奏任以上十五
 日判任以下五日○定大禮佩劍制明治○九月設師範
 學校於大阪文部省布達○特命全權大使岩倉具視以下一
 行歸朝○十月參議西鄉隆盛參議司法卿江藤新平參

定祭祝日休暇

許家祿奉還定祿稅則

議後藤象、郎參議板垣退助參議外務卿副嶋種臣罷
 布告○定祭祝日休暇元始祭新年宴會孝明天皇祭紀元節神武天皇祭神嘗祭天皇節新嘗祭
 ○十一月迎後鳥羽天皇靈駕於隱岐奉祀攝津水無
 瀨宮陸本宮為官幣中社○置內務省○十二月迎十御
 門天皇靈駕於阿波合祀水無瀨宮迎淳仁天皇靈駕於
 淡路合祀白峯宮○以嶋津久光為內閣顧問參與大議
 班大臣下明治○令士族以下家祿賞典祿百石未滿者
 欲奉還者許其請定華士族祿稅則○七年甲戌一月大藏
 卿大隈重信上表地租等槩計曰田則三百五十一萬六
 千零七十九町四段八畝餘此租則米千百五十八萬八
 千六百石金百三十萬零九百圓也海關其他各種稅不

置皇宮於青山

與之○少內史塚本明毅告大日本國全圖成太政官日誌○置皇宮於青山稱青山御所皇太后徙御之○自東京至琉球藩設郵便船以復往復○賊武市熊吉武市喜久万等九人傷右大臣岩倉具視於喰違後捕而誅之初維新之際政府欲修隣好遣書朝鮮朝鮮人爲我書辭不遜因循不決其答書卻悖慢是以去歲參議西鄉隆盛等論朝鮮不可措上氣不可不振將遣兵問之朝議不聽遂隆盛等辭官歸國物情囂然熊吉等亦主征鮮者而事皆爲出右大臣之意欲除之以動朝議及之云熊吉等高知縣人也○前參議副嶋種臣後藤象二郎板垣退助江藤新平其他數人連署上表請起民選議院其大要曰諸國出代

民選議院論

議上採輿論公議立國憲以矯有司專制之弊大建國礎加藤弘之駁之曰我人文未進暫舍之以俟後年馬城氏建議以駁弘之之說爾來諸士橫議或可弘之之說或可種臣等之論互陳意旨投之新聞誌討論囂然一時動朝野近世史畧二編○置東京警視廳職官表○定僧尼族籍現任本貫各從其情願以本族編籍○定海上衝突豫防規則○二月改正六鎮臺職制明治史要○江藤新平嶋義勇等起兵佐賀討平之初新平以戊辰以來功勞朝遇優渥官至參議兼司法卿位昇四位極人臣之榮然以征韓論不容辭職歸國時佐賀有二黨曰征韓曰憂國各誘同志將舉事官內省出仕嶋義勇請暇稱鎮撫抵佐賀與新平共煽動

佐賀之役

之遂劫豪戶取軍須具糧仗將舉兵逼縣廳權令岩村高
俊告急於熊本鎮臺臺兵入佐賀城遠近騷然詔內務卿
大久保利通陸軍少將野津鎮雄大藏大丞渡邊清等鎮
之未至賊既攻佐賀城官軍苦戰却之又來攻城遂陷大
屬小出光照中屬中嶋修平等及陸軍大尉大池奧等死
之詔伏見宮嘉彰親王爲征西都督發東京大阪廣嶋鎮
臺兵討之內閣顧問嶋津久光亦奏鎮舊治動搖西下新
平義勇知勢不可抗而亡命獨朝倉尙武等猶扼轟及本
道等要害抗官軍官軍奮戰破之遂生擒尙武是日降者
千五百人官軍遂入佐賀城尋逮捕新平於土佐義勇於
薩摩斬新平義勇尙武及香川經五郎山中一郎等十餘

臺灣之役

置裁判所於佐
賀

大阪神戶鐵道
成

人于長崎梟首新平義勇事始平信錄○設師範學校
於愛知廣嶋長崎新潟宮城○三月設女子師範學校於
東京文部省達○詔遣問罪師於臺灣置蕃地事務局以參議
大藏卿大隈重信爲局長以陸軍中將西鄉從道爲生蕃
事務都督延米人李仙得與其謀議以陸軍少將谷干城
海軍少將赤松則良爲參軍備米英人艦以便運輸初臺
灣土蕃等暴殺我琉球人漂泊者五十四人又剽掠備後
漂民四人故有此命近世史編○四月置裁判所於佐賀縣
布告○以內閣顧問嶋津久光爲左大臣明治○自大阪至
神戶鐵道落成漁車發行省達○西鄉從道等率兵三千
餘人至長崎尋重信等亦至先是從道遣人于鹿兒嶋縣

米英公使建議

募兵八百至是兵悉會長崎米國公使芬堪建議曰同盟
 國有兵事不許貸我人民及船舶載在中立規則今貴國
 有事臺灣雖非兵事既發軍艦士卒入清國版圖則清國
 以戰目之必矣而所其備役人民等苟係我米國則彼必
 以我為援貴國請速返之英國公使等亦言清國生異議
 由是政府遣權少內史金井之恭于長崎命重信等歸京
 從道不憚曰我直奉還勅書躬自持轡虜巢窟死而後已
 即清國生異議則政府答以脫艦賊徒復可無嫌政府矣
 重信諭之曰所以金井內史使不敢止此舉以外國公使
 故再議以為事耳從道不聽即夜刻發港期峙炭水以裝
 諸艦李仙得等亦將速發艦有功艦載兵二百先發向厦

頒議院憲法

門○五月參議大久保利通至長崎解李仙得等及備艦
 之約更以金十六萬元購高砂社寮一艦與從道約以不
 可慢用兵而歸京從道以孟春日新明光三國高砂社寮
 諸艦到臺灣近世史○頒議院憲法及規則詔曰朕踐祚
 之初誓神明漸次擴充其旨召集全國人民代議人以公
 議輿論定律法開言路欲使人民各安其業知以擔國家
 之重義務故先召集地方官員代人民公議太政官○臺
 灣土蕃分為十八部落各有酋長其牡丹者猛惡強悍健
 捷如猿屢出苦我兵我兵奮激焚其巢窟絕糧道牡丹等
 窮蹙遂出降先是清國總理衙門寄書我外務卿畧曰貴
 國與我結約以來二國互固守信誼交際日久而親睦益

清國總理衙門寄書

西鄉都督答書

厚然近者聞貴國遣兵爲討臺灣。碇泊軍艦於廈門。日使船夫習水戰。大驚愕。臺灣之地。我東南一孤嶋。而風化未開。然非謂蕃地。非我版圖。雖邊鄙之民。皆我版圖也。貴國征之。若果信。則何豫議我政府。而不行之。且擅碇泊兵艦於廈門。是何意也。伏請足下顧慮。西鄉都督對之曰。臺灣生蕃殘酷無道。敢蔑視貴國政令。有年于此。然而彼等有我民漂流其海濱者。則剝其衣服。殺戮其人。至喫其肉。偶得免死。投貴國官廳。則貴國厚救供之。是我政府何幸過之。雖然。我國民在蕃。爲彼所殺戮。爭忍默視。故吾蒙我政府命。臨蕃地。欲議各酋長懲戒暴徒。遙泛船。貴國海內而無毫犯貴地。直上陸。生蕃地矣。然恐民間或有異說。虛聞

福建都督贈書

者。因表意足下。至是福建都督又贈書。略曰。臺灣全嶋。我支那爲所轄。既二百年也。然嶋民不知浴文明德化。或不守政府法令。亦在我管地。則我民也。且以萬國公法論。則人民諸物在其管地者。不論動物不動物。悉可從其國法也。又曰。一得新領。縱令新發見。或攻取有領之。理則他各國爭得下手乎。又曰。各國皆有主宰其自國事務之權。假令有誤失。自他各國無關之。今臺灣者。我版圖也。有犯者。於支那可裁斷之矣。如足下所說。殺戮漂民者。固於我支那法可處死刑。是於我可獨決也。然貴國忽遣問罪師。妄侵入彼嶋。是破公法一科。且可謂悖盟約十條及五條矣。又如琉球漂民。遇殺害命。臺灣在留官吏。可正其罪也。何

設北海道屯田憲法制

有煩足下乎。又備州漂民到該嶋。雖逢掠奪之難。未到殺害之危。是準盟約七條盜難例。同命彼官吏。可懲戒其蠻奴也。今足下深謀貴國利。必廢棄此一舉。可速束兵而去。否則他邦將尤其非。在清國全權公使柳原前光辨論之。數回清人不服。臺灣戰爭記評論新說外國新報 ○六月迎順德天皇靈駕於佐渡。合祀水無瀨宮。○設北海道屯田憲兵制。○七月賜百官避暑假。自本月十一日至九月十日。勅奏判任皆同。各計其事務便宜。交替參衙。○廢證券印紙規則。頒印稅規則。○八月詔以參議兼內務卿大久保利通為特命全權辦理大臣。遣清國。先是令海內以會議召地方官。以九月十日為期。以支那事起。延其期。○九月諭清國

頒印稅規則

論清國羈留人

羈留人。口。曩者台灣生蕃殺戮我國民。既往問其罪。欲懲將來。會清國唱異議。我政府遣人說明。蓋未決也。頃聞爾清國人等。憂慮不措。漫自揣測。以謂兩國和好難保。一旦啓兵。必身受捕獄之慘。財物亦剝奪矣。顧是過慮之所致。情實可憫也。爾等羈留人耳。爾等何咎。設令開釁。予不得已。苟非其為。間諜偵探軍利害者。則捕獄剝奪等。我政府所不為也。爾等宜體此意。布告 ○十月定各廳歲計界限。自七月至翌年六月。為會計一周年。頒其條規。○定服忌制。廢從前京家制。用武家制。○定皇族大禮佩劍制。布達 ○辨理大臣大久保利通在清國議蕃地所屬。凡七回。一旦講和全破。將歸清國。在留英國公使威德調停之。遂又和成。

定服忌制

與清國立辦法
文據三條

利通與清國欽命總理各國事務理藩院和碩恭親王軍機大臣大學士管理工部事務文祥等會議條款互立辦法文據曰各國人民有應保護不致受害之處應由各國自行設法保全如在何國有事應由何國自行查辦茲以台灣生蕃曾將日本國屬民等妄為加害日本國本意為該蕃是問遂遣兵往彼向該生蕃等詰責今與清國議明退兵並善後辦法開列三條于後曰日本國此次所辦原為保民義舉起見清國不指以為不是曰前次所有遇害難民之家清國定給撫恤銀兩日本所有在該處修道建房等件清國願留自用先行議定籌補銀兩別有議辦之據曰所有此事兩國一切來往公文彼此撤回註銷永為

實際清國

辦理大臣大久
保利通歸朝
設百石以上家
祿還納制

罷論至於該處生蕃清國自宜設法妥為約束以期永保航客不能再受兇害又會議憑單曰台蕃一事現在業經英國威大臣與兩國議明並本日互立辦法文據日本國從前被害難民之家清國先准給撫卹銀十萬兩又日本退兵在台地所有修道建房等件清國願留自用准給費銀四十萬兩亦經議定准於明治七年十二月二十日清國同治十三年十一月十二日日本國全行退兵清國全給付金額均不得愆期日本國兵未全數退盡之時清國銀兩亦不全數付給立此為據彼此各執一紙存照使清辨理始末○十一月辨理大臣大久保利通歸朝每戶揭國旗祝之尋西鄉從道亦歸朝詔慰勞之○設士族家祿賞祿百石以上還納制

金星見

布告 ○十二月九日金星見。是日天晴如洗。大陽左上。有豆

大黑點。是金星經過大陽面也。先是新築司大臺于長崎。

米佛二國星學博士。以其國命來橫濱。遂行長崎實測之。

我學徒亦有從行者。蓋金星經過大陽面之際。甚有便定。

大陽之躔度。天文學士最可注意者。故外人皆不惜巨資。

而來。豫算本年我邦適觀望之度也。布告近世史畧二編 ○八年乙

一月。少內史塚本明毅等。上日本地誌提要。本書上表 ○二月。

定文官敬禮式。○橫濱駐留英佛二國兵隊引去。先是英

佛公使各置兵于橫濱。以庇護國人。於是公使等贈書外

務卿。以告其意。而引去。○廢酒造取締并稅則。婢僕馬車

人車。乘馬駕籠遊船諸稅則。定酒類稅則。車稅規則。○三

日本地誌提要
成
定文官敬禮式

定酒類稅則

置元老院大審

廢火葬禁

定勲等賞牌

月。定行政警察規則。○內務大藏兩省之間。置地租改正

局。管掌地租改正事務。○四月十四日。詔曰。朕今擴充誓

文之意。設元老院。以廣立法之源。置大審院。以鞏審判之

權。又召集地方官員。以通民情。圖公益。欲漸次立國家立

憲之政體。與汝眾庶俱賴其慶。汝眾庶莫泥舊慣。故又或

莫輕進急為。其能體朕旨翼贊焉。○廢左右院。置元老院

大審院。布告 ○頒大審院及諸裁判所職制章程。布達 ○廢火

葬禁止令。○置上等裁判所于東京。大阪。長崎。福嶋。定分

轄。尋移福嶋上等裁判所於官城。布告 ○定勲等賞牌。從軍

牌。詔曰。凡立功績於國家者。宜褒賞以酬之。仍定勲等賞

牌之典。使人人知所寵異。表彰尋勲等賞牌。改稱勲章。從

定烟艸稅則

軍牌改從軍記章。公○六月二十日發地方官會議于淺
 艸本願寺以參議水戶孝允為議長至七月十七日終會
地方官會議日誌○頒議謗律新聞紙條例○八月移酒田縣於
 羽前國鶴岡改稱鶴岡縣○改定出版條例○分割名東
 縣再置香川縣○頒萬國船舶信號法○九月朝鮮國江
 華嶋人砲擊我雲揚艦先是雲揚艦測量朝鮮國東南海
 將沿其西岸航清國牛莊而過其嶋冲嶋人遽砲擊士官
 將上陸問其意砲擊益勵於是艦亦應擊毀其砲臺遂上
 陸奪兵器而歸○遣海軍少將中牟田倉之助于朝鮮保
 護在留人民。布告○定警部職制。布達○十月定烟艸稅則○
 改定出版條例附錄○左大臣嶋津久光罷○十一月改

頒千嶋樺太交換條約

定府縣職制章程

訂徵兵令○移水澤縣廳於陸中國一關改稱磐井縣○
 頒千嶋樺太交換條約先是以海軍中將榎本武揚為在
 魯京特命全權公使遣比特堡府為交換訂約以樺太全
 嶋與魯國以千嶋為我邊邑至是頒布條約。布告○廢縣治
 條例定府縣職制事務章程○十二月定元老院內務省
 大藏省文部省工部省開拓使職制章程尋定陸軍教部
 外務海軍等職制章程。布達○改正華士族祿稅則○廢小
 田縣合岡山縣○置裁判所於鹿兒嶋山口高知三縣○
 定訴訟用紙規則。布告○九年丙子十一月教部大輔穴戶璣
 上官社祭神考証○參議兼開拓使長官黑田清隆為特
 命全權辨理大臣議官井上馨為副使遣朝鮮○二月定

朝鮮修好條規
成

禁帶刀

定官吏懲戒例

海上衝突豫防副則。○置離官於芝濱崎町。○改定度量衡。○移白川縣廳於熊本。改稱熊本縣。○三月置裁判所於官城鶴岡二縣。○特命全權辦理大臣黑田清隆等與朝鮮國大官判中樞府事申愆。互換修好條規十二款。而歸朝。○除大禮服着用并軍人及警察官吏之外禁帶刀。布○四月再興日蓮宗不受不施派。教部○以滿二十年。省達定丁年。○廢職制律。定官吏懲戒例。布○廢足柄縣分屬伊豆國於靜岡縣相模國於神奈川縣。廢奈良縣合堺縣廢度會縣。合三重縣廢磐井縣併陸前國於官城縣陸中國於岩手縣。合併官城縣管轄磐城國於磐前縣。廢新川縣。合石川縣廢相川縣。合新潟縣。廢北條縣。合岡山縣。合

車駕巡幸奧羽

定地方官任期
例

併同縣管轄備後國於廣嶋縣。廢濱田縣。合嶋根縣。廢小倉縣。合併福岡縣。廢佐賀縣。併三潯縣。○五月廢足柄佐賀兩裁判所。置裁判所於三潯愛知二縣。○朝鮮修信使金綺綉來。○六月定寫真條例。○車駕巡幸奧羽地方。布召地方官于行在所。親問民情。琦玉縣令白根多助奏陳貢租方法。畧曰。米納則一時上納無差支矣。金納則幾度不收納。則農民可不免困弊矣。時人稱贊。為司牧明言。京東○定道路等級為三。曰國道。曰縣道。曰里道。○七月。禁新聞紙雜誌雜報。妨害國安者。布○定地方官任期例。曰。知事令以十二年為一期。初任必以權官。每三年考治績。殿最之。參事無任期。以其勲賞之。布○自大坂至京

大阪京都鐵道
成
車駕還御

都鐵道落成。瀛車運輸。工部省達○車駕還御。○廢筑摩縣。合飛彈國。於岐阜縣。信濃國。於長野縣。移熊谷縣廳。於上野國高崎。改稱群馬縣。廢濱松縣。合静岡縣。廢若松。磐前二縣。合福嶋縣。合磐城國三郡。於官城縣。廢鶴岡。置賜二縣。合山形縣。廢敦賀縣。合越前國七郡。於石川縣。合其敦賀郡。并若狹國。於滋賀縣。廢鳥取縣。合嶋根縣。廢節摩豐岡二縣。合播磨但馬二國。并丹波二郡。於兵庫縣。合丹後國。并丹波。天田郡。於京都府。廢三瀨縣。合肥前國。於長崎縣。合筑後國。於福岡縣。合福岡縣管轄豐前國宇佐下毛二郡。於大分縣。廢宮崎縣。合鹿兒嶋縣。廢香川縣。合愛媛縣。廢名東縣。合淡路國。於兵庫縣。阿波國。於高知縣。○八月

改家祿給與之制

置地方裁判所
二十三所

改定皇族大禮服制

改家祿賞典祿。永世一代或年限給與之制。令自明十年。發行金祿公債証書。一時下賜之。○太政大臣三條實美。參議寺嶋宗則。伊藤博文。山縣有朋等。巡視北海道。○九月。改府縣裁判所。置地方裁判所。於東京。橫濱。朽木。浦和。愛知。静岡。新潟。松本。京都。大阪。神戶。金澤。松山。高知。松江。岩國。青森。一關。米澤。函館。長崎。熊本。鹿兒嶋。二十三所。定其所轄。以東京。大阪。官城。長崎。上等裁判所。分轄之。尋移岩國裁判所。於廣嶋。浦和裁判所。於熊谷。一關裁判所。於仙臺。米澤裁判所。於福嶋。又移朽木裁判所。於茨城。改稱水戶裁判所。○太政大臣三條實美等歸朝。○十月。改定皇族大禮服制。布告○熊本賊。浦楯記。高津連喜。吉村義節。

熊本秋月山口賊伏誅

等為亂暴殺陸軍少將種田政明縣令安岡良亮傷參事小關敬直殺其他白人火兵營時秋月賊今村百八郎藍田靜方等亦起應之遣內務少輔林友幸陸軍少將大山巖等鎮之山口縣前原一誠橫山俊彦奧平謙輔等亦集合黨與募兵器奪公金去遣陸軍少將三浦梧樓等平之初前原一誠以戊辰功勞被寵遇官至參議位辱從四位然猶不悅辭職歸國至是鼓動俊彦等舉兵詔褫位號尋斬一誠俊彦謙輔楯記連喜義節百八郎靜方等十一人徒役二百三十四人其餘有差

東京新聞 ○十一月皇后行啓京師 ○十二月三重縣茨城縣土寇蜂起皆由不悅石代金納云

東京新聞 ○十年一月四日詔曰朕惟維新日淺

詔減地租六分之一

減諸省定額

廢正院之稱

四等官以下改定官名

中外多事國用實不貲而慙兆民猶在疾苦中未被富庶澤曩改正舊稅法以地價百分之三為公租使無偏重今又親察稼穡艱難深念休養之道更減稅額為百分之二分五厘有司宜痛節減歲出費用以贊朕意太政官令曰地租減額費用節省有聖詔自今民費賦課不可超過正租五分之一

布告 ○減正院元老院及諸省定額廢教部省警視廳付其事務於內務省廢各省中諸寮令各省長官適宜設局掌管其事務廢正院之稱及正權大少史主事法制官以下各省大少丞以下置書記官屬官自四等至七等為奏任自八等至十七等屬官十等為判任

○頒自九年七月至本年六月會計豫算表

布達 ○定賣藥規則

布告

○大藏省中置租稅關稅檢查國債出納造幣紙幣記錄九局。大藏省達○內務省中置勸農驛遞警視勸商地理戶籍社寺土木衛生圖書博物會計庶務十三局。內務省達○工部省中置書記檢查會計倉庫鑛山鐵道電信工作營繕燈臺十局。工部省達○改正府縣官等為府知事縣令共四等權知事權令五等廢正權參事置大少書記官以下屬官同官省。布達既減正租六分之一少歲入八百万圓於是政府就官省定額減七百万圓廢合察局淘汰官吏實可謂維新以來大節減也。○皇太后行啓京都。○定民有荒地處分規則。○改正鳥獸獵規則。○二十四日車駕御高雄丸行幸大和及京都。布告○三十日天皇與皇太后皇后幸于

車駕行幸大和京都

車駕幸泉涌寺

車駕參拜畝火山東北陵

討鹿兒嶋賊

泉涌寺齋祭後月輪東山陵是日許民庶參拜尋巡御京都府廳裁判所及博物館中學校等賜京都府下七十以上者物。○二月行自京都至神戶鐵道開業式車駕臨焉。東京日新聞○定保釋條例及地租改正後買上地拂下地等收稅區分改正司法省大審院諸裁判所并檢事職制章程并控訴上告手續。布告○十一日天皇參拜畝火山東北陵手捧玉串齋祭縱民觀儀庶民感嘆車駕還御京都以為行在所。御幸記○十九日詔討鹿兒嶋賊令天下曰曩日逆徒掠奪陸海軍所屬銃器彈藥暴辱監護官吏奪造船所押郵便船扣留其吏員捕縛警察吏歸縣者故遣海軍大輔河村純義內務少輔林友幸問訊事情兇徒以

兵器拒其上陸。欲奪官艦。反跡顯然。不可不征。乃以有栖川熾仁親王為征討大總督。陸軍卿山縣有朋。海軍大輔河村純義為參軍。少將野津鎮雄。三好重臣為參謀。以近衛鎮臺兵討之。使軍艦十數隻巡備西海。行在所達遣兵事新聞議官穴戶璣。佐佐木高行等。于和歌山。高知。長崎等鎮撫士民。議官秋月種樹。華族細川護久。黑田長博等。亦奏鎮舊治。西下。二十四日。總督宮發京師。詔禱西鄉隆盛。桐野利秋。篠原國幹官位。初隆盛盡力于王事。以功勞朝遇優渥。官至陸軍大將兼參議。位辱正三位。利秋國幹亦為陸軍少將正五位。共極人臣之榮。然隆盛以征韓論不容辭。參議與利秋等退居田野。尚貪祿位。于茲四年。恃功伐

山東北朝
平定軍府
西鄉隆盛等
官位

勅使抵鹿兒嶋

能之極終謀反逆。率兇徒一万五千圍熊本城。先是鹿兒嶋縣令大山綱良為賊作書。報熊本縣及鎮臺書辭悖慢。少將谷干城曰。咄何亡禮乎。我鐵賊以兵扼肥薩之界。賊大舉而來。衆寡不敵。乃焚城樓。布地雷火。入城嬰守。既而總督官入福岡城。為總督府置參軍水營于南關。先是參謀野津鎮雄。三好重臣以大兵戰于高瀨川。大敗賊。○三月八日。勅使柳原前光抵鹿兒嶋。嶋津久光掃第迎謁。前光宣詔曰。逆徒亂入熊本縣。蔑如朝憲。抗敵官軍。及悖亂舉動。朕已布征討之令。以二品親王有栖川熾仁為總督。命進發矣。汝久光實國之元功。朕素所信重。今特遣使諭朕旨。其能致爾誠意。久光謹奉旨。初勅使之至也。參議黑

田清隆大警視川路利良以軍艦七隻陪從於是清隆等
 壞砲臺釘砲門毀彈藥製造所奪賊糧仗絕賊後援柳原
 前光歸京縣令大山綱良陪官艦抵神戶將入京都朝廷
 不許禡官位監送東京○以四等判事岩村通俊為鹿兒
 嶋縣令東京日新開

河邨靖南書

竹內熊治郎刻

國史略卷之七終

編史之古難不在錄古而在記
 今以引據未就正虛實相錯
 也觀石村君國史略無論古昔
 至近事考證最精確軼事遺
 聞撮收綦勗焉可謂能難者
 矣但戊辰之後大坂城條下

則賤名殆屬蛇足使人泚額
 然由是而追思當時艱苦之
 狀悽然于懷者久之
 明治十年元始祭後一日

栢碧妻木賴矩



正齋柳田貞亮



國史略跋

憇然見南山。後人或作望南山。白鷗
 沒浩蕩。或作波浩蕩。古人云。二詩
 改兩字。而神氣索然。自脩辭
 難如此矣。况於自成六卷。鉅冊乎。
 近來洋學煥興。屬內外史籍。新
 著錄。然雜出。或以方岳記。或以漢

國朝四二
文述之。哀、滔、不當汗。牛。所謂
學完。乳臭。咸。搖筆。洒墨。未休
傳。壽者乎。可謂盛矣。若我石村
氏。則夙奉。史勢。署簿。期會。草
慌。墨。位之間。有。此大著述也。上溯
太初。降。至近代。縱橫。霍躍。遂成
一家。之史。明古。今治亂。之變態。審

人物。臧。吾之名狀。一字不苟。筆
削之精。繁簡。得宜。使讀者。不陷
徑蹊。直。取捷於康衢。其羽翼。正
史。加惠。後進。抑。偉矣哉。讀者
苟知作者。之苦心。則讀之。亦不苟
者也。讀之。不苟。則其必將大有
所得者矣。乃書。諸卷。末。以論。後

之讀其書者云爾時明治十年
一月初吉

常陸后學樓老加藤

識於京寓之雲轉堂



我國の人法を自國に於て我知る者
志多し他邦の學を學び本を棄て未
走る如痛ある何自公の事と志き者
阿孝と雖も今世より此代よりふくよ
至る事と古や管のくくくこの通成
易き古今哉總括を以書籍の強
あるも能く其好書錢索ることを既
七年一日相陰石翁先生を訪ひ談

是ふ及ふは之をいふ其好むを其誠志ひ
既より著者の稿本ありと故に後より持し
以て拙者の七年の志願を満すしを主人書
中れぬまゝの因り孝拙者の讀むに成りぬ
持てか紙上様を其紙方を一とせしむ
明治十年三月 菊池梅主人謹誌



松柳多房主人書

版權免許

明治九年
十月廿四日

山口縣平民

編輯人

石村貞一



第三大區一小區麹町
平河町五丁目十四番地

東京府平民

出版人

東生龜治郎



第一大區十四小區
通旅籠町二番地

諸

國

發

駿州靜岡江川町	本	屋市	藏
同 沼津上土町	本	屋浦	吉
同 同	本	屋源	介
飛州高山	阪	田長五郎	
甲府常盤町	藤	屋傳右衛門	
甲州上ノ原町	富	田秀實	
下總多古	土	屋勘兵衛	
同 野田	梅	屋林藏	
同 八日市場	江	戸屋小吉	
同 同	木	内嘉兵衛	
同 水海道驛	江	戸屋伊右衛門	

行 書 肆

陸前仙臺國分町	菅	原屋安兵衛
同 石ノ巻港	三	陸屋利兵衛
同 同 裏町	小	野寺禎齋
會津若松大町	石	津屋籌右衛門
同 馬場一ノ町	龍	田屋萬助
磐城平二丁目	清	水甚太郎
羽前山形十日市	荒	井太四郎
中山道本庄驛	諸	井
同 同	酢	屋安平
武州熊谷本町	近	江屋平吉
同 同	杉	浦平左衛門

諸國發

武州鴻ノ巢驛	長嶋屋爲一郎
同川越南町	岸田屋文吉
上總茂原	松田屋清兵衛
同山同	丸屋茂兵衛
同山本納	和國屋茂一郎
同東金	多田屋嘉左衛門
同同在堀上村	本川屋和市
房州北條新宿町	山下安民
信州長野	小升屋喜太郎
同松本仲町	藤松屋禎十郎
同飯田傳馬町三丁目	十一屋半四郎

行書肆

同諏訪	藤川屋機右衛門
同河金澤	木曾屋孫兵衛
同小諸	丸山屋傳四郎
同同	小山佐傳治
上州高崎田町	菊川屋源吉
同伊勢崎	川木屋平吉
常州土浦仲城町	寺田新助
相州伊勢原上町	山田淺治郎
同小田原須藤町	米川屋忠兵衛
同同新玉町	曾比屋平七
同横須賀汐留町	竹川新四郎

諸國發

薩州鹿兒嶋仲町	吉田源太郎
雲州松江本町	園山喜左衛門
加州金澤安江町	近岡屋太
濃州岐阜米屋町	三浦源
信州飯山	協和堂
大原齋橋通南壹丁目	敦賀屋九兵衛
河同本町四丁目	敦賀屋為七
河同	敦賀屋真助
河同比久太郎町	河內屋喜兵衛
河同博勞町	河內屋茂兵衛
河同比久寶寺町	秋田屋太右衛門

行書肆

河同南久寶寺町	伊丹屋善兵衛
河同順慶町	河內屋勘助
河同南壹丁目	秋田屋市兵衛
河同安土町四丁目	辻本信太郎
河同齋橋通南久寶町	河內屋德兵衛
西京姉小路上町	菱屋孫兵衛
河同寺町本能寺前	錢屋惣四郎
河同寺町通四條上	田中屋治兵衛
河同神戶相生町	鳩居堂
尾州名古屋本町九丁目	永樂屋東四郎
河同本町十二丁目	萬屋東平

東京發

同湯嶋松住町	同通油町	同小石川大門町	同同查丁目	同同橫山町三丁目	同淺野茅町三丁目	同同三丁目	同日本橋通二丁目	同芝太神官前	同同貳丁目	東京日本橋通壹丁目
嶋	藤岡屋慶治郎	鳩金屋清吉	出雲寺萬次郎	和泉屋金右衛門	須原屋伊八	丸屋善七	小林新兵衛	和泉屋市兵衛	山城屋佐兵衛	須原屋茂兵衛

行書肆

同同	同大傳馬町三丁目	同神田今川橋	同本町三丁目	同室町貳丁目	同本石町二丁目	同日本橋通三丁目	同南傳馬町二丁目	同馬喰町二丁目	同村松町	
袋屋支店	袋屋鉄治郎	袋屋龜治郎	近江屋岩治郎	河内屋文助	大阪屋藤助	椀屋喜兵衛	長門屋龜七	近江屋半七	品川屋金十郎	大浦屋長藏

大阪心齋橋南壹丁目

製方高橋依太郎

終

